

➤ तुम्हरा तेने परमेश्वरेर प्रेमेर बारे सहज साधारण सच्चाई ✪

उम्साक

कोहोव

मुई उम्साक

प्रेम कोरछु

जाँयस मेयर

# 1 न्यूयॉर्क समय – सबसे अच्छा बिक्रेता लेखक

उम्साक कोहोव  
मुई उम्साक प्रेम कोरछु



उम्साक कोहोव  
मुई उम्साक प्रेम कोरछु

तुम्हरा तेने परमेश्वरेर प्रेमेर बारे  
सहज साधारण सच्चाई

जॉयस मेयर

JOYCE MEYER  
MINISTRIES®

Sharing Christ – Loving People

C14, Vikrampuri Colony, Karkhana, Secunderabad, Telangana - 500 009

Unless otherwise indicated, all Scripture quotations are taken from The Amplified® Bible (AMP). Copyright © 1954, 1962, 1965, 1987 by The Lockman Foundation. Used by permission.

Scriptures marked NKJV are taken from the New King James Version. Copyright © 1979, 1980, 1982 by Thomas Nelson, Inc.

Scriptures marked KJV are taken from the King James Version of the Bible.

Copyright © 2021 by Joyce Meyer Ministries

All rights reserved. No part of this publication may be reproduced, distributed, or transmitted in any form or by any means, or stored in a database or retrieval system, without the prior written permission of Joyce Meyer Ministries.

Joyce Meyer Ministries  
C-14, Vikrampuri Colony  
Karkhana, Secunderabad  
Telangana - 500 009

Website: [www.jmmindia.org](http://www.jmmindia.org)

Tell Them I Love Them - *Surjapuri (New Print - 2021)*  
*The Simple Truth About God's Love for You*

*Printed at:*  
Caxton Offset Pvt. Ltd.  
Hyderabad-500 004

# विशय वस्तु



परिचय	vii
1. परमेश्वर तोक प्रेम कोरछ!	1
2. मुई कि काफी अच्छा छु?	8
3. प्रेम एकटा रिश्ता छे!	17
4. प्रेम, भरोसा एवं विश्वास	25
5. डोर (भय) से आजाद	32
6. प्रेम पहुँचे जाछे	39
7. परमेश्वरेर प्रेम तोक बदले दिबे!	45
एकटा नया जीवनेर अनुभव	49

# परिचय



मुई विश्वास कोरछु कि लोकोक सब चीज से बेसी जरूरी छे निजी तौर से अपनार तेने परमेशवरेर प्रेमेर साथे रिस्ता रखना । इडा यहीडा समझ छे जेडा वहार साथे एकटा गहिरा रिस्ता कायमआर सच्चा जयवन्त मसीह जीवन दिछे । हमाक दिमागी ज्ञान जरूरी नी छे, परमेश्वरेर प्रेमेर बारे, हमाक अपना दिलोत वहार साथे रिस्ता जरूरी छे । सिरिफ पवित्र—आत्मा इडाक दुबा पारे, आर वहाँय इकिसम कोरबे, जब हमरा परमेश्वरेर प्रेमेर पोर ध्यान कोरमो, अपना जीवनोत वहार प्रेमोक पहचान कोरवा पारमो आर परमेश्वरेर लिखाल बचनेर मारफत आर प्रार्थनार मारफत उडा खोलाल बातोक खोज कोरमो ।

इडा साधारण तौर से माने लेना आसान छे कि परमेश्वर पूराडा दुनियाँक काफी प्रेम कोरछे कि वहाँय हर एकजनार पापेर तेने यीशुक मोरवार तेने पठाय दिले । लेकिन इडा विश्वास करना बेसी कठिन होलतेन कि परमेश्वर तोक अतेक प्रेम कोरछे, कि वहाँय तोर तेने यीशुक पठाय दिलतेन आर सिरिफ तोर तेने पठाय दिलतेन

अगर दुनियाँर पोर सिरिफ तुहें एकझन लोक होलोतेन । बहुत साल विश्वास कोरवार बाद मुई एकझन निराश मसीही, आखिरोत मोर तेने परमेश्वरेर प्रेमोक प्रकाशित रुपोत अनुभव कोरवा पारनु । परमेश्वर पवित्र आत्मार मारफत अपना प्रेम निजी तरीका से मोर लिकिन प्रकट कोरिल । वही एकमात्र प्रकाशन मोर पूराडा जीवनोक आर वहार साथे मोर रिश्ताक बदले दिले ।

मोर प्रार्थना इडा छे कि जेखुना तुई इखान किताबोक पोढ़बो, तुई परमेश्वरेर किताबोक आस्ते—आस्ते पोढ़वार तेने हौसला दिछु । बाइबिलेर भितरोत परमेश्वरेर प्रेम बारे सीखवार तेने इखान सुझाव दिबे आर शास्त्रेर पोर ध्यान दुबार तेने अगुवाही कोरबे ।

परमेश्वर तोक अतेक प्रेम कोरछे, आर वहाँय चाहचे कि तुई वहार प्रेमोक दिन—दिन जानबो आर अनुभव कोरबो । अपना जीवनेर हर एकटा बातोत, जे मान्दी कि वहाँय मोर तेने कोरिहे । वहीलाते अला मुई इखान किताबोक नम्रतार साथे तोक सौपें दिछु, इडा ख्याल राखे कि परमेश्वरोक छोड़े मुई कुछु नी छु आर जेकुछ प्रकाश आर समझ मुई वहार बचनेर बारे पाह्यू, सब कुछु सिरिफ वहार दयार कारण से छे ।

उम्साक कोहोव  
मुई उम्साक प्रेम कोरछु





# 1



## परमेश्वर तोक प्रेम कोरछ!

“क्याँकि परमेश्वर दुनियाँक अतेक बेसी प्रेम कोरिल कि वहाँय अपना एकलौता बेटाक दे दिले, जसे कि जेकोय वहार पोर विश्वास कोरे वहाँय नाश ना होय बल्के अनंत (हमेशार) जीवन पाय।”

—यूहन्ना 3:16

परमेश्वर एकटा परिवार चाहचे आर वहाँय हमार पिता होबा चाहचे। हमाक वहार साथे रिश्ता रखवार तेने आर वहार बेटा होबार तेने बनाल गहिल आर भरपूरीर जीवन बितवार तेने बनाल गहिल, जेडाक हमाक दुबात तेने मसीहा मोरिल। यहार मतलब होचे कि हमरा वहार पोर भरसा कोरी, सहाराली, प्रेम कोरी आर वहारक हमाक प्रेम कोरवा दी। वहाँय चाहचे कि हमरा वहार पोर भरसा कोरवा पारी जसे कि हमार जेखुना कोय चीजेर जरूरत पोरबे, हमरा वहार टिन पहुंचवा पारी वहाँय हमार भितर से हे एक झनार साथे व्यक्तिगत रिश्ता रखवा चाहचे।

हमार भितर से बेसी लोक यूहन्ना 3:16 पदेर बारे बहुत बेसी बिस्तार से सोचेछे। “हाँ ईद सही छे, मुई जानू की यीशु दुनियाँर तेने मोरिल,” हमरा कोहची, लेकिन दुनियाँर माने सिरिफ बेमतलब लोकेर एकटा बोड़ो भीर नाहाय, जहार तेने मोरिल। वहाँय हमार भितर से हर एक झनार तेने मोरिल। वहाँय तोर तेने मोरिल।

सच्चा बात ईद छे अगर ईद दुनियाँर भितरोत सिरिफ तुई रोहलो तेन यीशु सिरिफ तोर तेने मोरिलतेन। वहाँय तोर तेने तोर तेने जताला दुःख भोगेर भितर दे गेल, वहाँय उला दुःख भोगेर भितर दे गेलतेन। परमेश्वर तोक बहुत बेसी प्रेम कोरछे आर वहार प्रेम अनंत कालेर तेने छे (येरेमियाह 31:3) एक दिना जेखुना मुई गाड़ी चलाछिन परमेश्वर मोर दिलोत बात कोरिल आर कोहले “जोयेस तुई मोर आँखेर पुतली।”

दुश्मन शैतान साथे – साथे हाजिर होल आर कोहले, अच्छा, इडा की घमंडेर एकटा गुच्छा नी छे? तुई की सोचे छिस तुई के छिस? वहीलाते मुई सोचनु, ओह मोक उकसिम सोचवा नी लागे। इडा अनुभव कोरे की हमरा विशेष लोक छी, हमार आश्चर्य किसमेर दान छे गुण अपना छे आर बहुतला योग्यता छे उला सबला बात हमार विषय साधारण दंग से सोच समझ कोरवार खिलाफ जाछे। लेकिन सच्चाई ईडा छे की हमार भितर से हर एक झन व्यक्ति छी, हमार परमेश्वरे जरियाय अनोखा तरीका से व्यक्तिगत सृजाल गही। परमेश्वर भिन्नता पसंद कोरछे आर वहाँय तोक अनोखा होबार तेने बनाहे। यहार मतलब छे वहाँय नी चाहचे की तुई दोसरा झनार साथे अपना तुलना कोरिस अआर उम्हार मांन्दी होबार कोशिश कोरिस।

तुई विशेष छिस जेमान्दी की वहाँय जेखुना मुई सोचेछिनु की परमेश्वर मोर दिलेर साथे की बोलिल मोर दिमागोत एक झन महिलार चित्र ओसिल जहाँय सुपर – मार्केटोत सबेर एकटा बोड़ो देरीर बोगलोत थाड़ो हँय छिले। वहाँय देरी डार चारो भिती उलाक देखछिले।

आर वहाक देखते सबसे अच्छा जेदा सेब लागिल, उडाक धोड़े लिले। मुई परमेश्वरेर समाचारटार मतलब बुझवा पारनू की मुई परमेश्वरेर तेने सबसे अच्छा सेब छु। मुई एक जहाँ विशेष लोक छू। ईद सुनते सही मालुम नी होचे, लेकिन तुई देखेक परमेश्वर हमार भितर से हर एक झनाक यही मान्दी देखछे। इडा – इडा नी छे की वहाँय तोक कोहचे की तुई दोसरा लोक से बेसी विशेष छिस आर हर एक दोसरा झन अच्छानी छे। वहाँय कोहचे हमरा सबकोई विशेष छी। परमेश्वर अपना बचनोत इडा कोहचे आर वहार बचन हर एज झनार तेने छे। तुई परमेश्वरेर आँखेर सेब (मणी) छिस।

उड़ा समय परमेश्वर जेकुछ मोक कोहबार कोशिश कोरछिले, मुई उडाक अपनाय नी लिनू क्याँकी मोक अपना बारे अतेक अच्छा बिचार करना गलत महसूस होल। लेकिन लगभग दुई दिन बाद मुई अपना बाइबिलोत **भजन संहिता 17:8** पद खोलनु आर मोर मुखेर पोर मोक चमकाय दिले, उठिन कोहचे “मोक अपना आँखेर पुतलीर मान्दी राखेक आर मोक अपना (पंखेर छायात नुकाय राखेक) डेनार नीचानोत नुकाय राखेक।”

मुई कोहनू “ओह” वहाँय सचमूच परमेश्वर छिले। मुईच परमेश्वरेर आँखेर पुतली छु। इडा बात मोक हर समय महसूस कराल की मुई

विशेष छु, जेखुना—जेखुना मुई इडार बारे सोचनु। तुई की जानिस की तुई परमेश्वरेर तेने बहुत प्रिय छिस आर वहाँय चाहचे कि तुई अपना आपोक विशेष कि मती मूल्यवान आर परमेश्वरेर प्यारा समझिस लोकेर टिन से प्रेम पबार तेने लोकेर दिलोत एकटा लालस रोहचे। परमेश्वर हमाक वही मान्दीकोरे बनाहे। बहुतझन विश्वास कोरछे कि परमेश्वर दुनियाँक प्रेम कोरछे आर वहाँय यीशुक प्रेम कोरछे, लेकिन उम्हाक इडा विश्वास कोरते मुश्किल होचे कि परमेश्वर उम्हाक व्यक्तिगत तौर से प्रेम कोरछे। तहारो पोर परमेश्वरेर बचन सिखाछे कि परमेश्वर हमाक अतारवाने प्रेम कोरछे जतारवाने प्रेम वहाँय यीशुक कोरछे। यूहन्ना 3:16 **हमाक इडा देखाछे**। आर वहाँय अपना प्रेम आर आशीर्बाद हमार जीबनोत वही मान्दी दाले दुबा चाहचे, जेमान्दी वहाँय यीशुक प्रेम आर आशीर्बाद कोरछे। यूहन्ना 5:20 कोरछे **“परमेश्वर पिता बहुत गहिड़ा प्रेम बेटार साथे कोरछे आर वहाक हर एक चीज देखाछे, जेलाक वहाँय खुद कोरछे।”** आर वहाँय वहाके इला से आरोह बोड़ो चीज देखाबे, जसे की तुम्हरा ताज्जुब कोरवा पारेन आर आश्चय आरोह बोड़ो चीज देखाबे, जसेकि तुम्हरा ताज्जुबा कोरवा पारेन आर आश्चर्य आर अचरज से भरे जायेन। इठिन परमेश्वर कोहचे, “मुई इला सबला महान काम यीशुर जरियाय कोरछु, आर यहा से आरोह बोड़ो काम यीशुर जरियाय कोरमु, जसेकी तुम्हरा आश्चर्य कोरेन।” परमेश्वर हमाक खुशी आर आनंद दुबार तेने, महान काम कोर छे हमाक आश्चर्यित कोरवार तेने।

हमरा शास्त्रोर इला भागोक पोढ़छी, लेकिन हमरा बेसी समय भूले जाछी की परमेश्वर सिरिफ हमार तेने नी बल्के खास कोरे हमार मारफत काम कोरवा चाहचे।

वहाँय चाहचे की हमरा वहार महान कामोक देखी जेलाक वहाँय यीशुर जरियाय कोरिल आर यहार बाद विश्वास कोरी की वहाँय हमार जरियाय आरोह बोड़ो – बोड़ो काम कोरवार इच्छा कोरछे। यूहन्ना 14:12 पदोत यीशु कोहचे, “अगर कोय मोर पोर स्थिर तरिका से विश्वास कोरे। वहाँय खुद उला कामोक कोरबे जेला काम मुई कोरछु, यहाँ तक की वहाँय उला से बोड़ो काम कोरवा पारबे, क्याँकी मुई पितार टिन जाछु।”

परमेश्वर लोकेर तेने हर दिन बहुत काम कोरछे, क्याँकी वहाँय उम्हाक प्रेम कोरछे आर तहारो पोर वोरा कभी नी देखछे। मिशालेर तेने इडार बारे सोचो एक हर दिन जेखुना बेलाडा उठछे, इडा तोर तेने आर मोर तेने उठछे। फूला ला अलग-अलग किसमेर फूटछे हमार खुशीर तेने। इडा दुनियाँक जेडाक परमेश्वर हमार तेने बनाहे, बहुत बेसी सुंदर छे, आर परमेश्वर चाहचे की हमरा इडार आनंद उपभोग कोरी। उत्पत्तिर किताब अध्याय 1 कोहचे की परमेश्वर मानुषोक शाशन कोरवार अधिकार दिले आर वहाक कोहले की दुनियाँर सबला साधनोक परमेश्वर आर लोकेर सवार तेने इस्तेमाल कोरेक।

जब अपना मौसमोत बरसात ओसछे, इडा तोर तेने बरसेछे। जेखुना बरफ पोरछे, इडा तोर तेने पोरछे। तोर पाँथेर डेगलाक परमेश्वर सजाहे, आर वहाँय लगातार तोक तोर पहड़ा कोरते रोहचे।

व्यवस्था विवरण नामेर किताब 7:9 पद कोहचे, जानेक चिन्हक (पहचान कर) आर समझेक की प्रभु तोर परमेश्वर छे, वहाँय परमेश्वर छे, विश्वास योग्य परमेश्वर छे, जहाँय अपना वाचा (प्रतिज्ञा) पूरा

कोरछे आर हजार—हजार पीढी तक जहाँय वहाक प्रेम कोरछे आर वहार आज्ञा पालन कोरछे, वहाँय उम्हार प्रेम कोरछे आर उम्हार पोर अनुग्रह कोरछे ।

हमार तेने परमेश्वरेर प्रेम हमेशार तेने आर बिना शर्तेर छे । हमार भितर से बहुत ज्ञान सोचेछी हमरा परमेश्वरोक अपना नाकामयाबी आर गलती से परमेश्वरोक परेशान कोरे दिही, लेकिन हमरा इकिसम कोहवा नी सकेछी । कोय बात नी तुई की कोरछिस तुई परमेश्वरोक तोक प्रेम कोरते रोकवा नी पारबो । प्रेम ऐसा कुछु नी छे, जेडा परमेश्वर कोरछे, इडा प्रेम परमेश्वर खुद छे ।

अगर तुई सोचेछिस की तुई एकज्जन लोक छिस जहाँय बहुत खराब छे कि परमेश्वर प्रेम नी कोरबे, ते तुई गलत सोचोत छिस । कोयडा खाद (गड्ढा) इकिसम गहिड़ा परमेश्वरेर तेने नी छे जेठिन वहाँय पहुँचवा नी पारबे आर तोक टाने उठाबा नी पारबे । तोक वापस आनवार तेने परमेश्वर ठिन एकटा उपाय छे । वहाँय तोर पापलाक सिरिफ माफ नी कोरछे, अगर तुई इमानदारीर साथे वहार ठिन माँगिस, बल्के वहाँय उलाक भूले जाछे आर पुरुष से पश्चिम जताखान दूर छे, वहाँय पाप लाक अताखान दूर कोरे दिछे (भजन संहिता 103:10—12)

तुई होयत कोहबा पारिस, मुई यीशुक अपना दिलोत ग्रहण कोरछु आर मुई वहाक प्रेम कोरछु । लेकिन मुई तोक पूछेछु, तुई कताखान विश्वास कोरछिस की परमेश्वर तोक प्रेम कोरछे?

अनंत कालेर तेने बिना शर्तेर परमेश्वरेर प्रेम एकटा साधारण समाचार छे, तहारो पर इडा शुरूवाती नेंव (आधार) छे जेडाक

परमेश्वर तोर जीवनोत जरूर डालबे, जसेकि तुई हर एकटा दोसरा चीजोक बुझवा पारिस। मुई विश्वास कोरछु कि हमार जीवनेर सबला इलाजेर यहीडा शुरूवात छे।

कोई बात नी, तुई जेकुछ सिखीस आर जतेक कठिन अध्ययन कोरिस आर परमेश्वरेर चीजेर खोज कोरिस, अगर तुई इडा सच्चाईक ग्रहण कोरवा ना पारिस कि वहाँय बिना (मूल्ये) दामे खोला मोने तोक प्रेम कोरछे, ते तुई वहार साथे चोलवार तेने तुई बेसी उन्नति कोरवा नी पारबो।

हमरा परमेश्वरेर टिन से विश्वासेर जरियाय पाछी, लेकिन विश्वासों प्रेमेर जरियाय काम कोरछे (गलातियों 5:6)। वहीलाते हमरा जबतक परमेश्वरेर प्रेम पाछी, हमरा आर दोसरा कोई चीज पबा नी पारमो।

**परमेश्वरेर प्रेम हमाक बेडर (निर्भय) हय रोहवार तेने सामर्थ दिछे**  
(1 यूहन्ना 4:18) आर इडा जीवनोत खुशी पबार तेने आर जीवनेर निशाना तक पहुँचवार तेने बहुत जरूरी छे। तुई कि बिना कीमत चुकाय वहार प्रेमोक अपनार तेने ग्रहण कोरबो? इडा बिक्री कोरवार तेने नी छे, तुई अच्छा कामेर जरियाय इडाक किनवा नी पारबो। सबकुछु जेला तोक तुई कोरबा पारबो उडा छे ग्रहण कोरा, ग्रहण कोरा आर ग्रहण कोरा।

## 2



### मुई कि काफी अच्छा छु?

इकिसम आशा कोय खूना हमाक निराश नी कोरछे या डूबाय नी दिछे या शर्मिन्दात फिकाय नी दिछे। क्यँकि परमेश्वरेर प्रेम हमार दिलोत पवित्र आत्मार मारफत ढाले दियाल गहे, जे पवित्र आत्माक हमरा तेने दियाल गहे। जेखुना हमरा कमजोरीत छिनी, अपना आपोक सहायता कोरवार तेने शक्तिहीन छिनो, वहीसमय ठीक समयोत मसीह पापी लोकेर तेने मोरिल। अला इडा एकटा असाधरण बात छे कि कोय अपना जीवन एकझन धार्मिक लोकेर तेने दे, हबा पारे शायद एक झन नेक आर भला, प्रेमी आर दानी आर उपकारी लोकेर तेने कोय मोरवार तेने साहस कोरवा पारे। लेकिन परमेश्वर देखाछे आर साफ से प्रमाण दिछे हमरा तेने वहारप्रेमेर बारे कि जेखुना हमरा पापीये छिनो, ख्रीष्ट (मसीहा, अभिषिक्त व्यक्ति) हमरा तेने मोरिल।



वहीलाते अला जबकि हमरा धर्मी माने लियाळ गही। निर्दोष माने लियाळ गही, धर्मी बनाळ गही आर परमेश्वरेर साथे सही रिश्तात आनाळ गही खीष्टेर खूनेर जरियाय तब इडा कताखान सच छे कि हमरा परमेश्वरेर जलन आर क्रोध से खीष्टेर खूनेर जरियाय बचाल जामो। क्योंकि जेखुना हमरा दुश्मन छिनो, हमाक परमेश्वरेर साथे वहार बेटार मृत्युर जरियाय मिल कराय लुवाल गेल। अला इडा बहुत बेसी सठिक छे कि हमरा मिल-मिलाप हय गहे आर कि हमरा बचाल जामो (पापेर राजल से दिन-दिन छुटकारा) वहार मौत से जिन्दा होबार मारफत।

—रोमियों 5:5-10

इडा विश्वास करना आसान छे कि परमेश्वर हमाक प्रेम कोरछे जब तक कि हमरा अपना-आपोक बर्बाद ना कोरे दी। यहार समस्या इडा छे कि बहुत लोक अपना-आपोक पसंद नी कोरछे, आर इडार कारण से वोरा सोचे छे कि शायद होबा पारे कि परमेश्वरो उम्साक बेसी प्रेम नी करछे। तहारो पोर बाइबिल कोहचे, “मानुष कि छे कि तुई वहार बारे चिन्ता कोरछिस?” (भजन 8:4) हमरा परमेश्वरेर सृष्टि छी, आर साधारण तरीका से कोहबा पारी कि वहाँय हमाक प्रेम कोरछे, क्योंकि वहाँय हमाक प्रेम कोरछे। वहाँय प्रेम छे, (1 यूहन्ना 4:16)। परमेश्वर हमाक प्रेम कोरछे, क्योंकि वहाँय प्रेम कोरवा चाहचे।

इकिसम आशा हमाक कभी निराश या धोखा या लज्जित नी कोरछे, क्योंकि परमेश्वरेर प्रेम पवित्र आत्माक जरियाय हमारे दिलोत दाले दियाल गहे जे पवित्र आत्माक हमाक दियाल गहे। जेखुना हमरा कमजोरीतेछिनो, अपना आपोक सहायता कोरवार तेने कमजोर छिनो मसीहा ठिक समय पापी लोकेर (हमार) तेने मोरिल। अला इडा एकटा असाधारण बाते छे कि कोय लोक एकझन धर्मी लोकेर तेने जान दे, हयते वहाँय नेक प्रेम पवार लायक, उदार आर उपकारी छे। इकिसम लोकेर तेने कोय जान दुबार तेने साहस कोरवा पारे। लेकिन परमेश्वर देखाछे आर साफ-साफ से हमार तेने अपना प्रेम प्रणाम कोरे दिछे। परमेश्वर प्रेम छे (1 यूहन्ना 4:16)।

परमेश्वर हमाक प्रेम कोरछे क्योंकि वहाँय प्रेम कोरवा चाहचे। वहाँय तोक प्रेम कोरछे, आर तुई विशेष छिस। यहार माने छे कि तुई खास आर अनोखा लोक छिस। तोर मोर मांन्दी होबा नी लागे आर मोक तोर मांन्दी होबा नी लागे। तुई दुखित होबो अगर तुई अपना जीवन दोसरा झनार साथे तुलना कोरते आर उम्हार साथे मुकाबिला कोरते बिताइस। इलो सबला कोरा दुश्मनोक मौका देना छे, जहाँय कोहबे तुई काफी अच्छा नी छिस। सच्चाई इडा छे कि परमेश्वरेर साथे तोक काफी अच्छा होबा नी लागे। यीशु तोर बदले काफी अच्छा छे। वहाँय तोर पापेर तेने दाम चुकाय दिहे आर जेडा सजई तोर पावना छिले, वहाँय उठाय लिहे।

बाइबिल कोहचे अगर वहाँय तोक अतेक प्रेम कोरिल तोर तेने मोरेवार तेने, तब कतेक बेसी वहाँय तोक प्रेम कोरबे जब तुई वहार खूनेर जरियाय धर्मी ठहराल जाबों? (रोमियों 5:8-9) वहाँय जरूर

से जरूर तोक काफी प्रेम कोरछे तोर हर दिनेर गलती लाक ढाके दुबार तेने आर सब किसमेर अधार्मिकता से तोक साफ कोरवार तेने ।

इठिन एकटा मिशाल छे जेडार बारे मुईए सोचेछु कि परमेश्वर केनमान कोरे हमार गलतीलाक आर कमजोरीलाक देखछे । धोड़े लोव एकझन बच्चा छुवा, लगभग 3 या 4 साल उमरेर अपना माँक घोड़ेर काम-काम कोरते हर समय देखछे । वहाँय अपना माँक अतेक प्रेम कोरछे कि वहाँय एकटा छोटो बालटी पानी लिछे आर एकखान छोटो कपड़ा टुकड़ा लिछे आर सामनेर बरान्डार फोटोवाला खिड़कीर ठिन जाछे ।

वहाँय सचमुच खिड़की खानोक अच्छा से धोंसेछे आर तब कागोजेर कुछु ला तौलिया लिछे आर खिड़की खानोक मुछे छे । खिड़की खानोत बहुतला दाल आर साबुनेर गंदगी लगाल छिले । उडा छोटो लड़की अपना माँयेर साफ कोरवार सबसे अच्छा साफी खान इस्तेमाल कोरिल लेकिन वहाँय घोरेर भितरोत ओसछे आर अपना छोटो मीठा आवाज से कोहचे, माँदृमाँ मुई तोर खिड़की खानोक धोय दिनु । मुई तोर तेने इकिसम अच्छा काम कोरनु । माँ मुई तोक प्रेम कोरछु ।

वहार प्यारी माँ कोहचे, ओह इखान तुई ताजुबेर काम कोरलो । सहायता कोरवार तेने तोक धन्यवाद । यहार जतेक जल्दी बच्चीडा कोई ठिन व्यस्त छिले वहार माँ उला बिगड़ाल कामोक साफ कोरिल । पाछु कोरे वहाँय अपना बेटीक हौसला दिले सहायता माँगवार तेने जसे कि वहाँय सही तरीका से सिखवा पारे कि केनमान कोरे कामखान कोरवा होबे ।

यहीडा बात छे जेडा परमेश्वर हमार तेने कोरछे । आर वहाँय सबला काम कोरवा पारबे हमार भलाईर तेने, अगर हमरा वहाक प्रेम

कोरी आर वहार उद्देश्य मुताबिक गुलाल गही (रोमियों 8:28)। अगर तुई सबसे अच्छा कोरछिस, तुई जानीष केनमान कोरे कोरवा लागे आर यहीडा परमेश्वर तोर ठिन से उम्मीद (आशा) कोरछे। वहाँय पारबे आर तोक उन्नति कोरवार तेने सहायता कोरवा पारे अगर तुई लगातार वहाक छाबते रोहिस। वहाँय तोक अपना रूपोत महिमा से महिमात बदले दिबे (2 कुरिन्थियों 3:18)।

क्योंकि जहाक परमेश्वर पढाहे, वहाँय परमेश्वरेर बात बोलछे, क्योंकि वहाँय बिना कोय नाप से नापे आत्मा दिछे। पिता अपना पुत्र से प्रेम कोरछे, आर वहाँय पुत्रेर हातोत सब कुछ सोपे दिहे (यूहन्ना 3:34-35)।

एक दिना जेखुना मुई इडा बचनोक पोढ़छिनु, मुई खुशी से चिल्लाया उठनु, जेखुना मुई महसूस कोरनू कि परमेश्वर हमाक अपना आत्मा नापे तौले नी दिछे। “वहाँय उदार आर खोला हातेर छे आर वहाँय हमार बिनती आर कल्पना से बड़े काम कोरवा पारे (इफिसियों 3:20)।”

व्यवस्थाविवरण 7:6-7 पदोत परमेश्वर कोहचे “क्योंकि तुम्हरा अपना प्रभु परमेश्वरेर तेने एकटा पवित्र आर अलग कराल लोक छेन प्रभु तुम्हार परमेश्वर पृथ्वीर लोकलार भितर से अपनार तेने एकटा विशेष लोक बनवार तेने तुम्हाक बिछे लिहे। परमेश्वर इडार तेने तुम्हाक तुम्हाक प्रेम नी कोरे आर बिछे नी ले, क्योंकि तुम्हरा दोसरा लोक से गेनतीत बेसी छेन? क्योंकि तुम्हरा तो सबला लोक से कम छेन।”

इडा इकिसम कोय बात छे जहार बारे उत्तेजित (बहुत खुश) होबा लागे। परमेश्वर कोहचे, “मुई अपना प्रेम तुम्हाक दिछू आर मुई तुम्हाक

कोहयू तुम्हरा पवित्र छेन। मुई कोहयू टी/तुम्हरा विशेष लोक छेन। मुई तुम्हाक बिछेलिहू, उडार तेने कि तुम्हरा अपना-आपोक काफी अच्छा छेन, बल्के क्याँकि मुई तुम्हाक प्रेम कोरछु। तुई कि जानिस कि परमेश्वर आज तोक कि कोरवा कोहचे? वहाँय चाहचे कि तुई वहार प्रेमोक ग्रहण कोरबो। तोर भितरेर हर एकटा बुराईक परमेश्वरोक कोहवा बन करेक, क्याँकि आखिरोत तुई वहार तेने एकटा अनजान लोक नी छिस। वहाँय तोरे बारे हर एकटा बात जानछिले आर यहला जानछिले कि तुई कताला गलती कभी नी कोरबे, जेखुना वहाँय तोक अपना (सहभागितात) रिश्तात टाने आनिल।”

हमार भितरोत बहुत झनार समस्या इडा छे कि हमरा अपना-आपोक पसन (पसंद) नी कोरछी। आर इडा कारण से हमरा विश्वास नी कोरछी कि परमेश्वर हमक प्रेम कोरछे, या फेर दोसरा लोक हमक प्रेम नी कोरछे उडा घटनार कारण से वहीलाते हमरा सोचे छी, कसे कोरे वोरा प्रेम कोरबे? मुई तो एक झन बर्बाद लोकछु आर अगर तुई सोचे छिस कि तुई एक झन भयानक आर खतरनाक लोक छिस, ते शायद तुई खतरनाक लोकेर मांन्दी काम कोरवा जाछिस। सच्चाई इडा छे कि तुई अपनार बारे जेडा तस्वीर (चित्र) अपना दिलोत बनाछिस, वहा से ऊपरोत तुई उठबा नी पारबे।

मोर सबसे बोड़ो समस्या होचिले कि मुई अपना आपोक पसन नी कोरछिनु, आर वहीलाते मुई मोर बेसी समय अपना आपोक बदली कोरवार तेने लगाछिनु उडा होबार तेने जेडा मुई सोचे छिनु कि मोक होबा लागे। मिशालेर तेने, मुई बहुत बोलछु, वहीलाते मोक चुप रोहबार कोशिश कोरवा लागे। लेकिन जेखुना चुप रोहनू, उखुना मुई

बहुत दबा हुवा आर खामोस बने गेनू आर सबकोई जानवा चाहले कि मुई क्याँ खामोश हय गेनू। वहीलाते यहार बाद मुई सोचवा लागनु तुई कोहलो मोर बोड़ो मुख छे अआर तब मुई बेसी नी बोलवार कोशिश कोरनु। मोक अकेला छोड़े दोव।

मुई तुम्हाक कोहबा नी पारुम कि उकिसम माहोलत मुई कतेक साल तक बितानु आर यहार बादो मोर मुख खान ले मुई मुश्किलोत कोरते रोहनू, क्याँकि मुई अपना आपोक बदली कोरवार कोशिश कोरछिनु। आर शैतान सब समय मोक इडा कोहबार तेने तैयार छेले कि मुई कताखान खतरनाक या खराप छिनु, प्रत्येक समय जेखुना इकिसम ख्याल होल। शैतान लगातार हमाक दूषी महसूस कोराबार तेने काम कोरते रोहचे आर अपराधी ठहरा छे। वहीलाते मुई समझे छु कि इडा विश्वास करना कि परमेश्वर तोक प्रेम कोरछे एकटा चुनौती बात छे जब कि तुई कुछु गलती कोरे फिकाहिस।

परमेश्वर चाहछे कि तुई दूषी महसूस करना से आर अपराधीर सजई से आजाद हय जईस, लेकिन तोक आजाद होबार होबार तेने विश्वास आर साहसेर जरूरत छे। तुई कि जानिस कि अपराध जताखान गहड़ा होक जेखानोक तुई अनुभव कोरवा पारिस, तोर एकटा अपराधेर दाम चुकाबा नी पारबे। मुई इडा बातोक आर मोने कोहबा चाहछु, परमेश्वर तोक प्रेम कोरछे उडा बातोक विश्वास करना एका चुनौतीर बात छे, जब कि तुई कुछु गलती कोरे फिकाहिस।

अला शैतान कोशिश कोरबे तोक सताबार तेंने उडा बात ले कि तुई कते खान खराप छिस। तुई अलाय इडा कोरलो, वहाँय कोहबे। तुई कि सोचे छिस तुई के छिस? परमेश्वर कभी नी तोक आशीर्वाद

कोरबे इडार तेने तोक आरोह अच्छा कोरवा होलतेन। तुई अला यीशुर बारो कहाको बोलवा नी पारबो। परमेश्वर तोक इस्तेमाल कोरवा नी पारबे। आर वहाँय तोर प्रार्थनार जबाब नी दिबे। तुई आर कोई चीज सही से कोरवा नी पारबे।

यहीडा समय छे जेखुना विश्वास आर हिम्मतेर जरूरत छे उठे थारो हबार आर कोहबार, पिता, मुई गलती कोरहू आर मुई तोर ठिन माफी चाहचू। मुई सचमुचोत ईमानदारीर साथे उला तेने जेला मुई कोरहू आर मुई तोर माफी चाहचू। शैतानोक पलटा जबाब देनाव अच्छा छे। शैतानोक ख्याल कराय दे कि यीशु तोर पापेर तेने दाम चुकाय दिहे आर तोक माफी कोरे दियाल गहे आर सब दोष आर सजई से आजाद करे दियाल गहे। परमेश्वरेर वचनेर शक्ति जेडा तोर जीवनोत काम कोरछे, परमेश्वरेर पोर तोर विश्वास टाक आर भरोसा रखनाडाक गठन कोरबे। यहार बाद तुई अपना जीवनोत खुशी महसूस कोरवा पारबो आर दुसरा लोकेर तेने आशिर्वाद होबा पारबो। तुई होयता सोचे छिस मुई क्याँ बार-बार एके किसमेर बेकुफीर काम कोरते ओसछु? मोहो यही मांन्दी सोचे छिनु, जब तक कि उडार बारे मुई दुषी महसूस कोरवार बात बन कोरे नी दिनु। जेखुना तुई बंद कोरवार बात निश्चय कोरबो कि मुई दुषी आर सजईर साथे जीवन नी बितामु उला गलतीर तेने जेला मुई कोर, ते इडा तोक इकिसम सोच से बचाबे। दोष आर सजईर लायक ठहराना सोच तोक नीचा आर निराशा यहाँ तक निराश कोरे दिबे कि तुई आजाद होबा नी पारबो। उडे तोक कमजोर कोरे दिछे आर पापोत गिराते रहना आसान हय जाछे। यही तेने तोक परमेश्वरेर क्षमोर दान पबार तेने मजबूत होबा लागे आर सजई पबार चिन्तार खिलाफ (प्रतिरोध) कोरवा लागे। तोक

विश्वास से जीवन बिताबार तेने चुने लुबा होबे जेडा कि परमेश्वर अपना बचनोत कोहचे आर दोषेर भितरोत टलमटी खाते – खाते चलना अस्वीकार कोरवा लागे। दुश्मन यह खूना कोहबे, तोर मतलब उडा छे कि तुई उडार बोर खरापो नी सोचबो? तोक क्याँ कई एक घंटारो तेने खराप सोचवा लागे? उडा त सचमुच खराप बात छिले, जेडाक तुई कोरहिसा। लेकिन तोक जताला बात कोहबा होबे उला छे, नी, मुई नी। मुई एकदम इडार बारे खराप सोचवा नी जाबु। यहार बाद परमेश्वरेर टिन प्रार्थना कोरेक तोक सहायता कोरवार तेने आर अनुग्रह पवार तेने, जसे कि उडा सोचोक झारे फेके दिस आर आगू बढ़ते रोहिस। पहिला कई एक बार तुई इडा कोरबो ते कठिन मालूम होबे, लेकिन पाछुत आसान हय जाबे।

**यशायाह 53 अध्यायोत हमरा पोढ़ छी,** जेखुना यीशु हमार बदले हमार पाप लाक ले लिले, वहाँय हमार दोष लाको दोय लिले आर सजई डाक उठाय लिले। शैतान नी चाहचे कि तुई सजई से आजाद हय जईस। क्याँकि अगर तुई सजई पाय जाईस ते तुई सचमुचोत परमेश्वरेर प्रेमोक पबानी पारबो। सजई परमेश्वर से तोक अलग कोरछे आर तुई वहार उपस्थितिर आनंद पबा नी पारबो। इडा तोर ध्यान डाक परमेश्वर से दूर कोरे दिछे आर अपना आपेर पोर लगाय दिछे जेखुना परमेश्वर कोहले, तोर सबला पापोक झापे दुबार तेने मोर अनुग्रह काफी छे, ते वहार यहीडा मतलब छे।

इडा बातोक विश्वास कोरे तुई सजईर चिन्ता से आजाद रोहबा पारबो। परमेश्वर तोक प्रेम कोरछे, आर वहार अनुग्रह आर माफी तोर तेने दान छे। उलाक आझे ग्रहण कोरेक।



# 3



## प्रेम एकटा रिश्ता छे!

“आर हमरा जानी (समझेछी पहचान कोरछी, चौकस छी, अपना नजर से देखवार जरियाय आर अनुभवेर जरियाय) आर विश्वास कोरछी (भक्ति कोरछी आर विश्वास राखछी आर भरोसा कोरछी) परमेश्वरेर प्रेमोक जेडा हमार पालन पोषण कोरछे।” जेडा प्रेम परमेश्वर हमार साथे कोरछे, उडाक हमरा जाने गही आर हमरा वहार पोर विश्वास कोरही। परमेश्वर प्रेम छे, जहाँय प्रेमोत स्थिर रोहचे, वहाँय परमेश्वरोत स्थिर रोहचे आर परमेश्वर वहार साथे।

—1 यूहन्ना 4:16

जेमांदी कि शास्त्रेर इडा वचन कोहचे “परमेश्वर प्रेम छे आर वहाँय चाहचे कि हमरा इडाक पहिचान कोरी, अनुभव कोरी आर वहार

प्रेमेर बारे सचेत होई। वहीलाते कसे कोरे तुई परमेश्वरेर प्रेमेर बारे बेसी सचेत होबो? कोई बात नी वहाँय जताखाने तोक प्रेम कोरोक, अगर तुई वहार प्रेमेर बारे हुशियार नी छिस, ते इडा तोर तेने बेसी कोय लाभ नी पहुँचाबे। तुई इडार सोचेक तोक केनमान अनुभव होचे जेखुना कोई तो बहुत बेसी प्रेम देखाछे। जेखुना तुई जानछिस कि तोक कोय प्रेम कोरछे इडा तोक निश्चयता दिछे। परमेश्वर तोक प्रेम कोरछे आर वहाँय तोक उडा प्रेम देखाबा चाहचे। वहाँय हमार भितर से हर एक झनाक अपना साथे एकटा गहिड़ा घनिष्ट आर व्यक्तिगत रिश्तात आनबार तेने दावत दिछे। हमरा जेकुछु भी कोरछी वहाँय उलात दावत पाबा चाहचे।”

वहाँय हमसे लगातार चलनेवाला बातचीत कोरवा चाहचे, जसे कि हमरा अच्छा दोस्त बने रोहोई। तोर कि सच्चा आर व्यक्तिगत रिश्ता परमेश्वरेर साथे छे? जेखुना हमार नया जन्म होचे, हमार खुद ब खुद वहार साथे गहिड़ा रिश्ता नी होचे। हमाक वहार साथे अपना रिश्ताक बढ़ाबा होबे ठिक वही मांन्दी जेकिसम हमरा कहोरो साथे बढ़ाछी। मुई बहुत साल से मसीही छिनु, लेकिन पाछु कोरे मुई सचमुचोत परमेश्वरेर साथे अपना चलना डार बहुत गंभीरता से सोचवा लागनु।

मुई गिरजा जाछिनु रबिबारीत आर उठिन मुई अपना इच्छा कुछु छोटो-छोटो कामो कोरछिनु लेकिन परमेश्वर सचमुचोत मोर जीवनेर केन्द्र नी छिले। मुई खाली आर अपूर्ण अनुभव कोरछिनु। अला परमेश्वर पहिला व्यक्ति छिले जहार बारे मुई बिहाने सोचेछिनु आर आखरी वही छिले जहार बात मुई रात कोरे सोचे छिनु। हमरा एकसाथे पूराडा दिन सहभागिता कोरछिनो आर यहाँ से बेसी मुई आर

कुछु नी चाहछु मोर परमेश्वरेर सेवा आर वहाक खुश करना छोड़े। हर एक इनार भितरोत परमेश्वरेर तैयार कोराल एकटा छेद छे, जेडाक सिरिफ परमेश्वर भरे दुबा पारबे। कोय भी चीज या अच्छा जेडार पाछुत तुई जाछिस इखान जगहोक भरे दुबा नी पारबे। मुई तोक अपना आपोक पूछवार तेने उसकानी दिछु “मुई परमेश्वरेर साथे अपना रिश्ता रखवार तेने कताखान गहड़ाई से सोचे छु? मुई कि वहाक आर वहार ईच्छाक सब चीज से आगुत रखवार तेने इच्छुक छु?” प्रेरित 17:28 पदोत जेमांन्दी पैलुस कोहचे “**क्याँकि वहारे भितरोत हमरा चलछी – फिरछी आर जिन्दा रोहची आर हमरा स्थिर छी, जेकिसम तुम्हार कुछ्ला कवि कोहचे हमरा त वहारे औलाद छी।**”

हमरा कि पौलेर मांन्दी कोहबा पारमोहर परमेश्वर तोक प्रेम कोरछे आर तुई वहार तेने विशेष छिस। वहाँय तोक वहार साथे रिश्ता रखवार तेने बनाहे। यही वहार सबसे बोड़ो चाह आर सम्पूर्ण इच्छा तोर जीवनेर तेने छे। हर एक दिनेर शुरूत परमेश्वर तोर दिलडात फूस-फूस कोरे कोहचे, “शुभ प्रभात मुई तोक प्रेम कोरछु।” अगर तुई वहार बातलाक सुनते नी ओस छिस ते तुई अपना आपोक कोह तुई कि सुनवा शुरू कोरबो आर विश्वास कोरबो?

अमेरिकात मोर एक इन दोस्त इकिसम एकटा नकशार बारे सोचे छे कि, पिता परमेश्वर अमेरिकार हर एकटा घोरोत जाछे जेखुना वोरा बिहाने उठछे। वहाँय उम्हार साथे सहभागिता आर बातचीत कोरवार तेने जाछिले। वहाँय टेबुलेर बोगलोत एक खान कुर्सी ले बोटिल। लोकला उठे थाड़ो होल आर वोरा ओसिल आर चले गेल “पाछु कोरे। परमेश्वर सिरिफ थोड़ेक थामेक। जतेक जल्दी मुई उखान काम कोरे

लुम मुई तोर साथे बात कोरुम। मुई पाछु कोरे तोर साथे सहभागिता कोरमु परमेश्वर। उडा दिन खतम होल। परमेश्वर उदास होय उम्हार घोरलाक छोड़े चले गेल क्योंकि उदिना कोय लोक वहार साथे बातचित कोरवा नी ओसिल। अपना-अपना झूठ-फूस खास कामोक कोरवार तेने हर एक इन उकिसम लगाले छिले कि परमेश्वरेर तेने उम्हार कोय समय नी छिले।”

परमेश्वरेर तेने बहुत बेसी व्यस्त ना होयेन। अगर वहार टिन प्रार्थना कोरवार तोर समय नी छे आर वहार साथे समय काटाबार समय नी छे ते तुई बहुत व्यस्त छिस। परमेश्वरोक कोहबार तेने समय निकला जे तुई वहाक कताखान प्रेम कोर छिस। जब कि हर एक खान चीज खतम हय जाछे उखुना आर कुछु बाँकी नी रोहबे सिफिफ परमेश्वर रोहबे। यहीडा स्थिर छे अगर तुई वहार साथे रिश्ता नी राखछिस ते इडा-इडा शुरू कोरते कुछु देरी हय जाबे। मोर पिता हालते मारा गेल आर मुई सूचना खुश छु कि वहाँय यीशुक अपना उद्धार कर्ता माने ग्रहण कोरे लिहिले अपना मृत्युर-तीन साल आगुत। यदिव मोर पिता स्वर्गोत गहे लेकिन वहाँय परमेश्वरेर तेने विजयी जीवन बिताबार खुशी पबानी पारिल। वहाँय सबखुना अपनार तेने जिन्दा रोहिल। अपना जीवनेर आखरी समय तक ना पहुँचेन आर जेला चीजेर कोय कीमत नी छे उलार तेने समय बर्बाद कोरे दुखी ना होयेन। समयडा परमेश्वरेर तरफ से कीमती दान छे आर हमाक सभाको बहुत सावधान होबा लागे कि हमरा अपनार तेने कताखान खरच कोरनो। युई देखेक एक बार इडा खरच हय जाछे हमरा कोय खूना उडाक वापस नी पामो।

परमेश्वर साथे समय डेना एकटा बोड़ो इनाम ले ओसछे, लेकिन दोसरला चीज सिफिफ बहत कीमत चुकाय सस्ता खुशी दिछे। मुई तोक एकटा निश्चय कोरवार टी परामर्श दिछु कि तुई अगला साल परमेश्वरेर प्रेमेर पोर ध्यान दूबो, प्रेमेर बारे शास्त्र पोढ़बो जसेकी तुई वहार प्रेमडाक कसे कोरे ग्रहण कोरवा लागे सीखवा पारिस। परमेश्वरेर प्रेम जीवनोतर पूर्णता आनंद आर उल्लास आनछे। आर वहार संतान होबार नात वहाँय हमाक आर आराम खुशी मनवा कोहचे। वहाँय के छे, यहार बारे शास्त्र पाठ कोरो आर वहार बारे आरोह अच्छा कोर जानो।

1 यूहन्ना 4:16 पद कोहचे “जेडा प्रेम परमेश्वर हमार साथे कोरछे उडा प्रेमोक हमरा जाने गही आर वहार पोर विश्वास कोरही। परमेश्वर प्रेम छे, जहाँय प्रेमोत स्थिर छे वहाँय परमेश्वरोत स्थिर छे आर परमेश्वर वहार साथे।”

तुई हय तो बिहाने—बिहाने दोसरा झनार प्यार महसूस कोरवा नी पारछिस। शायद तोर काफी शक्ति नी छे आर तुई कोहबा पारिस इडा दिन तोर तेने सचमुच आसान होबे आर खुशियालीर होबे। खुश खबरी इडा छे कि तुई अपना मोनेर चिन्ता धाराक बदिलबा पारिस हिम्मतेर आर विश्वासेर बात बोलवार जरियाय। जोड़े बोलेक “परमेश्वर मोक बहुत प्रेम कोरछे। मुई वहार आँखेर पुतली छु आर वहाँय मोर तेने एकटा अच्छा उपाय—उपाय राखिहे। अगर तुई परमेश्वरेर बारे आर वहार बचनेर बारे बोलिस अपना समस्या आर तोक केनमान लागछे उला बातेर बदले ते तूई अपना पूरा दिनडाक घुराय डूबा पारिस।”

तोक अपना—आपेर साथ बात कोरवा होबे आर चौकस होबा होबे कि तुई चारोह पाके परमेश्वरेर प्रेम दे घेराल छिस। बाइबिल कोहचे कि परमेश्वर अपना हातेर तलवा खानोत गोदानी दे तोर एकटा चित्र बनाय राखिहे (यशायाह 49:16) तुई देखेक मुई अपना हाथेर तलवा खानोक तोर नामडाक लिखे लिहू। मुई हर खुना तोर बारे सोचते रोहचू। वोरा कि सुन्दर नी छे? मुई उम्हाक बहुत बेसी प्रेम कोरछु। मोर छुवा — पुवालाके देखव ठीक मोर हाथेर तलवालात। परमेश्वर तोक उठिन राखिहे तोक लगातार ख्याल कोरे दुबार तेने कि वहाँयध तोक प्रेम कोरछे आर तोर साथे सहभागिता कोरवार तेने दिल से चाहचे।

परमेश्वरेर ठिन धन्यवादी होबार तेने ख्याल कोरो आर वहार साथे अपना सहभागितार रिश्ताक बढ़ाते रोहोब कोय—कोय समय तुई अपना सबला काम— काज बन कोरे दूबा पारिस आर कुछु समय निकलाय परमेश्वरोक धन्यवाद दिस आर वहाक कोहिस कि मुई तोक जानू आर कोहिस कि वहाँय कताखान आश्चर्यजनक छे। आराम कोरेक आर प्रेम परमेश्वरोक प्रेम कोरेक। 1 यूहन्ना 4:16—17 कोहचे “परमेश्वर प्रेम छे आर जहाँय प्रेमोत स्थिर छे वहाँय परमेश्वरोत स्थिर छे आर परमेश्वर वहार साथे। परमेश्वरेर ताथे इडा मिल आर सहभागितार भितर दे प्रेमोक पूर्णतार तेने आना होचे आर हमार तेने पूर्णताक लाभ कोरछे, जसे कि हमरा बिचारेर दिनेर तेने उडा पूर्णतार पोर विश्वासेर साथे भरोसा कोरवा पारी। इडा जानकारी कि परमेश्वर तोक प्रेम कोरछे तोक वहार पोर मजबूत आशा दिछे आर वहार विश्वास योग्यतार पोर भरोसा दिछे। इला सबला आशिर्वाद परमेश्वर तोर तेने राखिहे उला तोर पोर ओसबे जेखुना तुई वहाक तोक प्रेम कोरवा दूबो।”

वहाँय आरोह बोड़ो विश्वास पापेर पर विजय तोर दिलोत शान्ति बीमारी से चंगाई, वहार दान से धनी जीवन आर आनंद दान कोरबे। इला सबला तब ओसवा पारबे जेखुना परमेश्वरोक तुई तोक प्रेम कोरवार अनुमति दूबो। हमरा बहुत समय इडा बातोक घुराय दिछी आर सोचे छी अच्छा मोक परमेश्वरोक प्रेम कोरना छे। मुई विश्वास कोरछु कि पहिले तोक परमेश्वरोक कोरवा दूबा होबे। मुई विश्वास नी कोरछु कि तुई अपना प्रेम परमेर टिन खोले बोलवा पारबो जब तक कि तुई वहाक तोक प्रेम कोरवा ना दिस। बाइबिल कोहचे हमरा वहाक प्रेम कोरछी क्यौंकि पहिले वहाँय हमाक प्रेम कोरिल (1 यूहन्ना 4:19)

जेखुना हमरा जानछि कि परमेश्वर हमाक प्रेम कोरछे आर हमरा वहार प्रेमडाक ग्रहण कोरछी ते हमरा यहार बदले वहाक प्रेम कोरछी। तब वहार साथे हमरा सहभागिता कोरवा पारमो। तुई हम तो ताज्जुब कोरछिस, तुई कसे कोरे परमेश्वर साथे सहभागितार अनुभव कोरवा पारबो? जेखुना परमेश्वर मोक वहार साथे सहभागिता कोरवा कोहले मुई अपना सीटोत बोठनु आर कोहनू “अला कि परमेश्वर? इडा ठिक छे कि मुई परमेश्वरेर साथे सहभागिता कोरवा नी जानछिनु, क्यौंकि उडा समय मुई सचमुचोत नी जानछिनु कि वहाँय मोक कताखान प्रेम कोरछे, आर मुई इडा नी समझे छिनु कि वहाँय मोक हमेशार तेने दोस्त आर साथी बनवा चाहचे। जब मुई वहार साथे समय बितवा लागनु, प्रार्थना कोरवा लागनु, वहार वचन पोढ़वा लागनु आर वहार आगुत चुपचाप रोहवा लागनु, तब मुई परमेश्वरेर साथे सहभागिता कोरवा सीखनु आर सीखनु कि केनमान कोरे परमेश्वरेर

साथे सहभागितार आनंद लियाळ जाय। मुई तोक आगू बढवार तेने बाहर हबा कोह्चु आर शुरु कोरवा कोह्चु।”

परमेश्वरोक एकटा मोका दे, आर वहाँय तोक सीखाबे कि वहार साथे वर्तमान कोरे सहभागिता कराल जाय। मुई तोक कोरे किसमेर सिद्धांत नी दुमू परमेश्वरेर साथे सहभागिता कोरवार तेने मुई नी चाह्चु कि तुई सिद्धांत (नियम) नंबर— 1, 2 आर 3 लिखबो मुई चाह्चु कि तुई पवित्र आत्मार जरियाय चलाल जाबो। परमेश्वर चाहचे कि तुई वहार साथे आराम महसूस कोरबो। सभारो आखरित इफिसियों 3:17 पद कोहचे, तोर दिलडा मसीहार रोहबार मन्दिर (घर) छे।



# 4



## प्रेम भरोसा, और विश्वास

*“क्योंकि अगर हमरा मसीहार यीशुत छी ते मसीह यीशुत नात खतनार कोय खूबी छे आर नात बिना खतनार लेकिन सिरिफ विष्वासेर छे, जेडा विश्वास बल दिछे आर प्रेमेर जरियाय काम कोरछे।”*

—गलातियों 5:6

हमार भितर से बेसी लोक विश्वास पवार तेने बहुत बेसी समय लगाछे। हमरा जानी कि विश्वास बिना परमेश्वरोक खुश करना असंभव छे (इब्रानियों 11:6)। वहीलाते हमरा बेसी विश्वास पवार तेने काम कोरछे आर बहुत चेष्टा कोरछी। लेकिन विश्वास हमार दिलोत बाढ़ छे, आर हमरा इडाक पाछी परमेश्वरेर साथे एकटा प्रेम पूर्ण रिश्तार सहभागितार जरियाय। इडा ओसछे सिरिफ परमेश्वरेर तरफ से उजाला पावार जरियाय। मुई तोक सचमुचोत विश्वासेर बारे

सीखवा नी पारमो, लेकिन मुई तोक सीखवा पारमो विश्वास कोरवान नियम आर तोक यहार तेने इकिसम प्यासा बनाय दुम कि तुई इडाक पावार तेने कुछु भी कोरवा पारिस। विश्वास हातेर मांन्दी छे, जेखान परमेश्वरेर लेकिन पहुँचेछे आर परमेश्वरेर लिकिन से पाछे।

हमाक विश्वास पावार तेने आर परमेश्वरोक खुश कोरवार तेने लड़ई कोरवा बंद कोरवा लगे। बल्के उखान पूरा समयोक आर मेहनतोक परमेश्वरेर साथे वहाक प्रेम कोरवार तेने आर वहाक प्रेमोक ग्रहण कोरवार तेने बिताबा लगे।

2 कुरिन्थियों 5:7 कोहचे “क्याँकि हमरा देखे नी, लेकिन विश्वास से चल छी।” हमरा अपना जीवनडाक आर चाल-चलनोक हमार आपना आपेर ज्ञान आर विश्वासेर जरियाय चलाछी। परमेश्वरेर साथे मानुषेर आर स्वर्गेर चीजेद भरोसार साथे आर पवित्र आंकाक्षार साथे हमरा चलछी। हमरा देखे नी बल्के विश्वास से चलछी। एक समय जेखुना मुई शास्त्रेर इडा भागोक पोढ़छिनु, मुई बुझवा पारछिनु कि परमेश्वर कोय शक्तिशाली बात मोर दिलेर साथे कोहचे। वहाँय देखाल कि इडा मोर चाहना नी आर विश्वासेर साथे वहार साथे चलना नी छे, जेडा काम कोरछे इडा भाग कोहचे कि मुई त सिरिफ वहार साथे विश्वासोत चोलवार लायक बनवा चाहचू आर परमेश्वरेर साथे चलवा पारू उडा विश्वासेर साथे मार छे। थामेक आर इडा बातेर बारे सोचेक। तुई अपना आपोक पूछेक। परमेश्वरेर साथे अपना रिश्तार बारे तुई केनमान महसूस कोरछिस। एकझन लोक जहाँय विश्वास कोरछे कि वहाँय परमेश्वरेर नजरोक धार्मिक नी छे, इडा आशा कोरवा नी पारबे कि वहाँय परमेश्वरेर साथे विश्वासोत चोलवा

नी पारबे। हमाक परमेश्वरेर साथे धर्मी बनाय लिया ल गहे यीशु मसीहार बलिदानेर जरियाय (2 कुरिन्थियों 5:21) हमार धार्मिकता जेला काम हमरा कोरही या कोरमोह, उलार पोर आधारित नी छे, बल्के इडा आधारित छे उडार पोर कि यीशु कि कोरिहे। वहीलाते जहाँय विश्वास कोरछे कि वहाँय एकझन गंदा चिथड़ार मांन्दी बेकार लोक छे, आर इडा कि परमेश्वर वहाक प्रेम नी कोरछे, ते वहाँय विश्वासोत चोलवा नी पारबे।

गलतियों 5:6 पद कोहचे कि विश्वास प्रेमेर जरियाय काम कोरछे। बहुत झन सोचेछे कि शास्त्रेर माने इडा छे कि अगर कोय लोक दोसरा लोकोक प्रेम कोरवा पारछे, ते उम्हार विश्वासटा उम्हार तेने काम कोरबे आर वोरा परमेश्वर से उला चीज पाबा पारे जेला वोरा चाहचे। यदिव परमेर हमाक प्रेमोत चलवा कोहचे इडा कोरना असंभव छे, जब तक हमरा वहाक पहिले हमाक प्रेम कोरवा नी दुमो। इडा बहुत असंभव छे। हमरा कहाको कोय चीज दूबा नी पारमो जेखान हमार लिकिन दुबार तेने नी छे। मुई बहुत साल से कोशिश कोरनु लोकेर साथे प्रेमोत चोलवार तेने, क्यँकि मुई जानछिनु कि उडा छे परमेश्वरेर हुकुम लेकिन मुई बार—बार नाकामयाब होय गेनू, जबतक कि मोर तेने परमेश्वरेर बिना शर्तेर दानडाक मुई ग्रहण नी कोरनु। मुई अपना बारे पहिले से अच्छा महसूस कोरनु, मुई बेसी कोरे लोकेर तेने असली प्रेमोत पहुँचवा पारनू। जेखुना तुई सचमुचोत जनवा पारबो कि परमेश्वर तोक कताखान प्रेम कोरछे, तोक कम परेशानी होबे परमेश्वरेर ठिन से पबार तेने, आर तोर जरूरत लाक पूरा कोरवार

तेने। लोक नी पाछे यहार कारण सोचे, कि वोर सचमुचोत सच्चा विश्वास नी कोरछे पूरा पूरी भाबे कि परमेश्वर उम्हाक प्रेम कोरछे आर उम्हार जरूरत लाक पूरा कोरवा चाहचे आर उम्हाक आशिर्वाद दूबा चाहचे।

तुई होयते कोहबा पारिस, मुई उडाक विश्वास कोरवा चाहची, लेकिन केनमान कोरे? परमेश्वरेर प्रेम तोर भितरोत छे आर तोक जेकुछु कोरवार जरूरी छे कि तोक पहिचान कोरवार तेने शुरू कोरवार होबे जेखुना वहाँय तोक देखाछे। बाइबिल कोहचे, “हमरा वहाक प्रेम कोरछी, क्यॉकि पहिले वहाँय हमाक प्रेम कोरिल (1 यूहन्ना 4:19)। इडा तोर तेने असंभव होबे परमेश्वरोक प्रेम कोरते, अगर तुई निश्चित रूप से इडा विषय बारे नी जानछिस कि वहाँय तोक पहिले प्रेम कोरिहे।”

परमेश्वरेर प्रेम तोर दिलोत छे, बहुत गहिरात तोर भितरोत छे। आर तुम्हरा सब कोई जानेन उडार बारे, जेखुना तुम्हरा अपना—आपोक देखवा शुरू कोरलेन, जेमांन्दी वहाँय तोक देखछे। वहाँय कोहचे, तुई आश्चर्य जनक सुंदर खुब—सुरत, गुणी आर वहार तेने कीमती छिस। परमेश्वर तोक प्रेम कोरछे। दुनियाँर भितरोत कोय कभी नी उकिसम प्रेम कोरबे, जेमांन्दी परमेश्वर तोक प्रेम कोरछे। जतेक बेसी तुई परमेश्वरेर प्रेमेर पोर ध्यान कोरबो ततेक बेसी तुई अपना विश्वासोक देखाबा पारबो आर वही मांन्दी जीवन बिताबा पारबो जेमांन्दी वहाँय तोर तेने चाहचे। तोक कोय लोकेर जरूरी नी होबे सिरिफ परमेश्वरेर लेकिन वहाँय दोसरा लोकोक तोर जीबनोत दे दिबे। सच्चाई इडा छे, अगर तोर कोय नी छे लेकिन तुई आर परमेश्वर छेन तुई टिन

रोहबो। परमेश्वर तोर सबसे अच्छा दोस्त होबे। वहाँय तोर साथी होबे अगर तोर कोय साथी नी छे। अगर तोर माँ या बाप नी छे ते वहाँय तोर माँ – बाप होबे। तोक जेकुछ जरूरी छे वहाँय तोर तेने सब कुछ छे। इडा गलती ना कोरिस कि तुई सिरिफ वहार ठिन से अपना तेने चीजोक मांगबो, वहार लिकिन से वहारे बेसी से बेसी जीवनोक मांगबो। तोर पूरा व्यक्तिगत वहारे व्यक्तित्व से पूरापूरी भरे दुबार तेने मांगेक (इफिसियों 3:16,19)

परमेश्वर तोक सचमूच प्रेम कोरछे आर तोर जरूरतलाक पूरा कोरवा चाहचे आर तोर दिलेर उच्छालाक पूरा कोरवा चाहचे। जबतक तुई खुद वहार भितरोत आनंद मनाछिस, वहाँय अपना तरीका से आर अपना समयोत तोक उला चीज दिबे (भजन 37:4) परमेश्वर अब्राहामोक कोहले, कि वहाय तोक आशीर्वाद कोरबे आर वहाक दोसरा लोकेर तेने आशीर्वाद बनाबे। परमेश्वर पहिरा तोर तेने कोरवा चाहचे, लेकिन तोक इडाक जरूर विश्वास कोरवा होबे। अपना विश्वासोक देखाव आर परमेश्वरेर सबला वादा प्रतिज्ञार पोर विश्वास कोरो क्यँकि उला प्रतिज्ञा तोर तेने छे।

## विश्वास आर शरीरेर काम

इफिसियों 2:8 कोहचे, “क्यँकि इडा परमेश्वरेर बिना कीमतेर दयार दान छे (जेडरि तेने हमार काम नी कोरी) कि तुई बचाल गहिस।” तुई कि इडाक बुझवा पारहिस कि तुई अपना आपोक बंचावार तेने कुछु नी कोरिस, आर वहार उद्दारेर दान अवश्य हमार उच्छा कामेर से नी आर ना हमार कुछु अच्छा काम कोरवार कारण से इडा सिरिफ

एकटा कारण से छे। “परमेश्वर हमाक अताखान प्रेम कोरिल कि वहाँय अपना अकलोता बेटाक दे दिले, जसे कि जहाँय वोहर पोर विश्वास कोरबे वहाँय नाश ना हो, बल्के अनंत जीवन पाय (यहुना 3:16)”

अनुग्रह बातटाक इकिसम कोरे समझाल जबा पारे—तोर सबला जरूरतोक पूराकोवार तेने तोर जीवनोत अपना शक्तिक इस्तेमाल कोरवार तेने वहार ईच्छा। जेकिसम तोक बंचाबार तेने परमेश्वर दया कोरे तोक कोफी विश्वास दिले वही मान्दी वहाय अपना प्रेमेर कारण से तोक विश्वास दिछे दोसराल चीजेर तेने जेला तुई चाहचिस या तोक जरूरी छे। तुई चाहचिस कि तोर प्यारा लोकलाक मसीहाक ग्रहण कोरोक लेकिन सच्चाई इडा छे कि तुई कहाको परमेश्वरोक प्रेम कोरवार तेने चाप दूबा नी पारबो। तुई उम्हार दिलोत काम कोरवार तेने परमेश्वरेर टिन प्रार्थना कोरवा पारिस आर वहार टिन मंगवा पारिस, लेकिन तुई अपना कामेर जरियाय इडाक कोरे दूबा नी पारबो बदनेर काम या कोई काम जेला हमरा अपना शक्ति से कोरवार कोशिश कोरछी। हमाक हमेशा निराश महसूस कराय दिछे, क्योंकि हमरा कुछु ला काम कोरवा चाहची जेला सिरिफ परमेश्वर कोरवा पारबे। हमरा काम कोरछी लेकिन कोय अच्छा फल नी पाछी। हमाक जेडा काम कोरवा होबे, उडा छे अपना आपोक परमेश्वरेर आगुत नम्र बनाय दूबा होबे आर वहार टिन सहायता मंगवा होबे। बाइबिल कोहचे, 1 पतरस 5:5 पदोत कि परमेश्वर खुद निराशार खिलाफ छे आर घमंडी हराय दिछे। लेकिन नम्र लोकोक अनुग्रह कोरछे, यानी वहार पक्षोत रोहचे आर आशिर्वाद कोरछे।

हमार जीवनोत परमेश्वरेर अनुग्रह बहुत मुख्य छे। विश्वासेर जरियाय दया से हमार बचाल गही, ठिक यही मांन्दी हमरा बचाल गही, आर हमाक यही मांन्दी हर दिन जीवन बितवा लागे विश्वास से परमेश्वरेर अनुग्रहेर जरियाय। एक बार तुई अपना जीबनोत परमेश्वरेर प्रेमेर नेवडाक पाय गहिस, ते तुई वहार पोर भरोसा कोरवा शुरू कोरवा पारिस। तुई विश्वास से चलवा पारिस आर देखे नी तुई अपना दिलोत जानवा पारबो कि अपना प्रतिज्ञा पूरा कोरवार तेने परमेश्वर विश्वास कोरवार लायक छे।

एम्लिफाइड बाइबिलेर मुताबिक, विश्वास छे तोर पूरा मानुषेर व्यक्तितेर भार परमेश्वरेर ऊपरोत दे देना पूरा—पूरी भरोसा आर मजबूत विश्वासेर साथे। वहार शक्ति—बुद्धि आर भलाईर पोर (कुलुसियों 1:4)। तुई जब परमेश्वरोक तोक प्रेम कोरवार अनुमति दूबो, तुई उखान काम कोरवा पारबो। परमेश्वरेर साथे तोर जताखान गहिरा रिश्ता बाढ़बे, तोर अताखान विश्वास बाढ़बे तुई देखबो कि परमेश्वर तोर भितरोत आर तोर जरियाय बोड़ो—बोड़े (शक्तिशाली) काम कोरबे आर तोर तेने तेनेव कोरबे, लेकिन इला सबकुछु शुरू होबे वहार साथे प्रेमेर रिश्ता राखले। परमेश्वर तोक प्रेम कोरछे। कभी भी इडा बातेर पोर संदेह ना कोरिस।

# 5



## डोर (भय) से आजाद

“प्रेमोत डोर (भय) नी होचे, लेकिन खाँटी प्रेम डोरोक दूर कोरे दिछे। क्योंकि डोरेर भितरोत सजईर चिन्ता काल रोहचे, आर जहाँय डोराय गहे वहाँ प्रेमेर पूरा पूर्णता तक नी पहुँचे (प्रेमेर पूर्ण परिपूर्णता तक आभी तक नी बाढ़े)। पूर्ण खाँटी प्रेम डोरोक दर वाजा से दूर कोरे दिछे आर डोरेर हर एकटा छापोक (चिन्होक) हटाय दिछे।”

—1 यूहन्ना 4:18

हमरा एकटा मुद्दा (बातोत) पहुँचवा, जेठिन हमरा सठिक विश्वासेर साथे जाछी, परमेश्वरेर पोर भरोसा कोरे आर इडा निश्चयतार साथे कि वहाँय हमाक प्रेम कोरछे। तक अचानक दुश्मन हमार पोर चढ़ई कोरवार तेने कुछु पठाछे हमार जीवनेर परिस्थिति, उला



खराप चीजेर जेडा हमार पोर गुजरेछे, उला हमार विश्वासोक जाँच कोरवा पारे, दोसरा कोई चीज नी। कुछु लोकेर बेसी तकलिफ नी छे, इडा विश्वास कोरे कि परमेश्वर उम्हाक प्रेम कोरछे। इडा तब तक रोहचे जब तक परिस्थिति देखाय दिछे शायद परमेश्वर उम्हाक प्रेम नी कोरछ।

यहीडा समय छे जेखुना शत्रु डोर आर सजईर डोर ले तोक उडा चीज से अलग कोरवार तेने ओसछे, जेदा तोक मदद कोरबे, उडा छे परमेश्वरेर प्रेम। अच्छा यहार बारे किछे ? वहाँय कोहचे—मुई सोचे छिनु कि परमेश्वर तोक प्रेम कोर छिले, ते फेर खराप चीज तोर साथे क्याँ होचे? तुई जरूर से कोई भयानक काम कोरिस। परमेश्वर सचमुच तोर पोर गुस्सा छे।

परीक्षा आर सताव वटेर समय इकिसम होना सहज घटना छे, जेडा कि देखते अनुचित आर अन्याय छे। इकिसम यमयोत परमेश्वरेर पोर विश्वास आर भरोसा रखना हराय जाछे। परमेश्वर सब समय केनमान आर कुनखुना काम कोरछे हमरा नी जानी हमरा सोच छी कि वहाक कुन खुना काम कोरवा लागे। वहार योजना हमार योजना से बहुत बोड़ो छे। वहाँय हमाक बदली कोरवा चाहचे, यहाँ से बेसी कि वहाँय हमार परिस्थितिक बदली कोरे। वहाँय अक्सर तकलीफ देने वाला परिस्थितिक इस्तेमाल कोरछे वहार पोर पर हमार विश्वासोक बढ़ाबार तेने आर सिरिफ वहारे पोर भरोसा कोरवार तेने सीखाबा चाहचे। इला चलार समय हमरा शायद समझुवा नी पारमो कि इला कि होचे आर आसानी से इडा सोचेर फँदोत पोड़े जाबा पारी कि परमेश्वर हमाक प्रेम नी

कोरछे। यहीडा समय छे जेखुना हमाक, रोमियों 8:35–39 पदोक ख्याल कोरवा लागे, जेटीन कोहचे कि को भी चीज कभी भी हमाक अलग कोरवा नी पारबे, परमेश्वरेर प्रेम से आर हमरा—हमरा यीशु जरियाय विजयी से भी बेसी छी। सबसे अच्छा चीज जेडा हमरा कोरवा पारी हमार तकलीफेर समय, उडा होचे—हमाक—चिल्लाय कोहबा लागे, “परमेश्वर मुई जानू कि तुई मोक प्रेम कोरछिस आर इडा विश्वास कोरछी कि इडा तकलिफ मोर तेने भलाई ले ओसबे।”

देरी कोय—कोय समय परमेश्वर हमाक छुटकारा दुबार खुना कोरछे जब तक कि हमरा सोचे छी कि बहुत देरी हय गेल। तुई कि ख्याल कोरछिस लाजषेर बात? वहाँय बीमार छिले, लेकिन यीशु देरी कोरिल जब तक कि वहाँय मोर नी गेल। यहार बाद यीशु वहाके आर वहार परिवारोक सहायता कोरवार तेने गेल। मार्था यीशुक कोहले, कि तोर बहुत देरी हय गेल, लेकिन यीशु जान छिले कि वहाँय सटिक तोर से कि कोरछिले, आर लाजर शोक इकिसम कोरे जीवनोत घुराय ले ओसिल इकिसम तरीका से जेडा सर्वशक्तिमान परमेश्वरोक महिमा दिले। परमेश्वर हमार समय तालिका हिसाबे काम नेहो कोरवा पारे लेकिन कभी भी देरी नी कोरबे। जेखुना तुई अपना जीवनोत तकलिफोत रोहचिस, तोर नजर परमेश्वरेर पोर लगा आर तोर विश्वास काम कोरबे। डोर आर उलझन तोर ठिन से परमेश्वरेर प्रेम डाक चुरी कोरवा नादे।

1 यूहन्ना 4:8 एक बहुत बेसी शक्तिमान वचन छे। “खाँटी प्रेम डोरोक दूर भगाय दिछे।” मुई इडा बचनेर पोर बार—बार ध्यान

कोरते रोहनू इडा जानवर तेने, आर एक दिना मुई भुझवा पारनु कि खॉटी प्रेम डोरोक दूर भगाय दिछे आर उडा खॉटी प्रेम होचे परमेश्वर। जेखुना तुई जानछिस कि तोर तेने उडा प्रेम कताखान खॉटी छे, ते तुई तोर पोर डर खानोक काबू कोरवा नी दूबो। होबा पारे तोक डोर मालुम होचे, तोक परमेश्वरेर साथे आगू बढ़ते जबा लागे क्यॉकि तुई जानिस कि वहाँय सब खुना तोर साथे छे।

इडा असंभव छे नाकामयाबिक डोर करना, अगर तुई जान छिस कि परमेश्वर तोक प्रेम कोरछे। तुई कोयु भी चीजोक जाँच कोरवार तेने तुई आजाद छिस, क्यॉकि तुई जानिस कि पमेश्वर प्रेम आर ग्रहण करना तोर कामेर पोर आधारित नी छे। तुई ना कामयाब नी होबो नी सके छिस, अगर तुई परमेश्वरेर पोर निर्भर कोरछी। सिरिफ एकटा उपाय छे ना —कामयाब होबार तेने, उडा होचे, अगर तुई अपना ऊपर निर्भर कोरछिस। ना कामयाबीक डोर कोरना असंभव छे अगर तुई जानछिस कि परमेश्वर तोक प्रेम कोरछे। तुई कोई चीजोक जाँच कोरवार तेने आजाद छिस, क्यॉकि तुई जानिस कि परमेश्वरेर प्रेम आर ग्रहण करना तोर कामेर पोर आधारित नी छे। अगर तुई परमेश्वरेर पर निर्भर कोरछिस ते तुई नाकामयाब होबा नी सक छिस। सिरिफ एकटाय उपाय छे तोर नाकामयाब होबार, उडा छे अगर तुई अपना पोर निर्भर कोरिस। तुई जेमांन्दी कोरवा चाहचिलो उला चीज ठीक वही किसम ना होबा पारे लेकिन उला चीज अच्छाईर तेने पाक खाय जबा पार, अगर तुई अपना नजर परमेश्वरेर पोर राखिस। अगर तुई जानिस कि त्यागा जानार, अभाव अतीत काल, भविष्य काल आर कोई भी चीजेर डोर नी होबे।

परमेश्वरेर प्रेम अतेक महान छे कि वहाँय हर एक चीजोक बदले दूबा पारे। तुई कि इडा सोचेछिस कि जे परमेश्वर तोक बचाहे आर आजाद कोरे दिहे, वहाँय कि तोक तोर नाकामयाबीर बारे अनुभव कोरवा दिबे। वहाँय कि तोक असहाय हालतोत छोड़े दिबे? शैतान हमार आत्माडोर दुश्मन छे। वहाँय चोर झूठ बोलने वाला छे, लेकिन यीशु चाहचे कि हमार भरपूरीर जीवन होक आर हमरा उडार आनंद उटाई (यूहन्ना 10:10)।

एमप्लिफाइड बाईबिलोत 1 यूहन्ना 4:18 पदोत पोढ़छी “प्रेमोत कोय डोर नी छे (भयानक डोर नी ठहरे छे) लेकिन पूर्ण प्रेम दर वाजा से डोरोक भगाय दिछे। आर डोरेर हर एकटा चिन्होक दूर कोरे दिछे। क्योंकि डोर अपना साथे सजईर चिंता डाक ले आनछे। आर वहीलाते जहाँय डोरा छे, वहाँय प्रेमोर भरपूरी तक नी पहुँचे (आभी तक प्रेमेर पूरापूरी भरपूरी तक नी बढे)”

परमेश्वर मोक सहायता कोरवार ठीक बाद, मुई बुझवा पारनू कि वहार प्रेम डोरोक फेके दिछे या भगाय दिछे। मोक इडा ज्ञान व्यवहारोत आनवा होलतेन। हमार मोटर—कारेर परेशानी छिले, हमरा सोचे छिनो कि बिजलीर ट्रान्स मिशन बन हय जाबे, आर ठिन उडाक बदली कोरवार तेने पैसा नी छिले। वहीलाते हमरा मोटर कारोक चलाते रोहनो, उडा आशा कोरे कि इखान टुकड़ा — टुकड़ा नी होय जाबे।

मुई महसूस कोरनु परमेश्वर एक दिन बिहाने मोर दिलोत हिम्मत दिले इला बचनेर जरियाय, “जोयस आजकार दिनडाक मोक प्रेम कोरवात बिता आर मोक तोक प्रेम कोरवा दे। तोक आर

कुछु कोरवा नी होबे। तोक बोड़ो विश्वासेर महिला होबार कोशिश कोरवा नी होबे। जेला काम तोक कोरवा होबे उला छे तुई मोर प्रेमोत स्थिर रोह।”

वहीलाते मुई गानकोर छिनु, परमेश्वरेर तेने गीतबना – छिनु आर आश्चर्य समय बिता छिनु। यहार बाद एक ब एक मुई सुननु मोर पति गैरेजोत छे। वहाँय गैरेजोत काम कोरवार 45 मिनट बाद, वहाँय दरवाजा खोलील आर कोहले, “मुई पहिला गेयर से कार खानोक निकलिबा नी पारछु। हमरा उखानोक ले जाछी आर इखानोक ठीकबा होबे।”

मुई दरवाजा खानोक बन कोरनु आर हँसवा शुरू कोरनु। मुई इकिसम साधारण ढंग से नी कोरछिनु, आर इडा मुई उडा समय जाने—सुने सचेत होय कोरवार तेने निश्चय नी कोरु इडा आपने से बाहर हय गेल। क्याँकि उडा समय मुई परमेश्वरोक मोक प्यार कोरवार तेने छोड़े दिहिनु। मुई उसमय कठिन परिस्थितिक अपना मनोत हँसवार लायक छिनु। परमेश्वर परमेश्वरेर प्रेमोत रोहले तोर भितर से विश्वास निकले ओसवार दोरजा खोले जाछे डोरेर बदले। मुई हँसनु क्याँकि मोर बहुत भितरोत मुई जानछिनु कि परमेश्वर हमक प्रेम कोरिहे आर हमार तेने जोगार कोरबे।

अब्राहाम हँसहिले जेडा विश्वासेर हँसी छिले। जेखुना परमेश्वर वहार लिकिन ओसहिले आर कोहिले कि वहाँय एक झन बेटा पाबा जाछे, अब्राहाम हँसहिले। साधारण तरीका से बोलले, इडा होबार तेने कोय उपाय नी छिले, कि वहार आर सारार बच्चा होबा पारे, लेकिन वहाँय परमेश्वरेर पोर विश्वास कोले, आर वहार खुशी उबडे

गेल आर हाँसीट बदले गेल। मुई विश्वास कोरछु, जेखुना हमरा उकिसम काम कोरछी, दरवाजा खोले जाछे आर परमेश्वर हमार तेने अजीब काम कोरछे। के छे जहाँय हँसवार बारे सोचबे जेखुना उम्हार समस्या होचे? बाइबिल कोहचे कि परमेश्वर स्वर्गोत बोटे छे आर अपना दुश्मलाक देखे हाँसछे (भजन संहिता 2:2-4)। अगर परमेश्वर इडा कोरवा पारे ते हमराव कोरवा पारमो। आगे बढ़ो आर विश्वासेर हाँसी हाँसो। सबसे आखरित जानी कि परमेश्वर तोक प्रेम कोरछे। आर अगर परमेश्वर तोर तरफ छे तोक तोर बिरुध होबा पारबे?

# 6



## प्रेम पहुँचे जाछे

“हमरा इडा हुकूम (काम कोरवार हुकूम, आज्ञा, शास्तेर आज्ञा) लिकिन से पाही कि जहाँय परमेश्वरोक प्रेम कोरछे, वहाँय वहार भाईको प्रेम कोरबे (विश्वासी)”

1 यूहन्ना 4:21

तुई परमेश्वरेर विशेष संतान छिस। वहाँय इडा व्यवस्था विवरण 7:6 पदोत कोहचे। जब तुई सचमुचोत जानिस कि वहार तेने तुई विशेष छिस आर तुई खुशी आर मजबु विश्वासेर साथे रोहचिस, ते इडा तोर चारो भितकार दुनियाँडाक सचमुचाट प्रभावित कोरबे। तुई सुपर मारकेटोत अपना हँसता हुआ चेहरा ले जाबो, इडा सोचते—सोचते कि मोक कोय प्रेम कोरछे मोर जीवनोत सब कुछु ठीक छे। परमेश्वरेर जेडा प्रेम मुई अनुभव कोरछु, उडा प्रेम दे मुई दोसरा लोकोक आशीर्वाद कोरवा पारुम। तुई खुश रोहबा पारबो,

जेठिन भी जाबो आर खुशी दोसरा झनाका आशीर्बाद कोरबे । भजन संहिता 100:2 पद कोहचे, “हमरा प्रभुर सेवा खुशीर साथे कोरमो ।”

हेखुना हमरा इडा जानवा शुरु कोरमो कि हमरा परमेश्वरेर योजनात कताखान विशेष छी आर हमार मोनेर बिचार आर व्यवहार उडा उजालार पोर आधारित छे, ते हमरा मसीहार बारे दोसरा झनाक बताबा पारी आर वहार प्रेमोक इकिसम देखाबा पारी कि लोक वहार लिकिन ओसे । परमेश्वरेर प्रेम तोर जरियाय बोहले तोक दोसरा लोकेर जरूरतलाक महसूस होबो आर तोक उम्हार तेने तरस ओसबे । तोर भितरो वहार जेडा प्रेम छे तोक डोर से आजाद कोरे दिबे आर प्रेमोक ले दोसरा झनार लिकिन पहुँचते तोक डोर नी होबे । तोक कहारों द्वारा अस्वीकार कोरवार या तोर ना जायज फायदा उठाबार डोर नी होबे । तोर भितरोत परमेश्वरेर जेडा प्रेम छे उडा प्रेम दोसरा झनार जरूरत लाक देखबे जेला जरूरत उम्हार छे आर उलाक पूरा कोरवार तेने वोरा कोशिश कोरछे ।

परमेश्वर चाहचे कि तुई विश्वास कोरिस जेखुना वहाँय तोक कोहचे, वहाँय तोर जरियाय बोड़ो काम कोरबे, क्याँकि यीशु तोर भितरोत छे । वहार पोर भरोसा आर विश्वास कोरेक, वहाँय तोक । वहाँय तोक दोसरा झनाक प्रेम कोरवार आर सहायता कोरवार तेने व्यवहार कोरवा चाहचे । ख्याल कोरेक कि परमेश्वरेर खाँटी प्रेम डोरोक दूर कोरे दिछे, वहीलाते डोरोक तोक पीछु टाने राखवा ना दिस आर विश्वास से पाँव पिछले जबा दिस ।

मुई तोक कोटबार तेने शुरुव कोरवा नी पारछु कि कतेक बार विश्वासेर चट्टानेर पोर मुई थाड़ो होनु आर कोय भयानक घटना



घटाबार बोगलोत छिनु, आर इडा मालुम होल कि परमेश्वर कोहले, “जोयसी ओसेक, आसेक मुई तोर जरियाय बोड़ो-बोड़ो काम कोरमु।”

एक बार जब मुई विश्वासोत आगू बढनु आर यहार बीचोत कुद्दे पोड़नु परमेश्वर मोक गिरवानी दिले।

तुई कि जानिस मुई क्याँनी उदास होऊ बाहरे कदम राखते आर नाकामयाब होबार तेने? क्याँकि मुई जानू परमेश्वर मोक प्रेम कोरछे। वहाँय मोक प्रेम कोरछे आर वहाँय जाने कि मुई वहाक प्रेम कोरछु आर वहार अनुग्रहोत (दयात) मुई मोर जीवन वहार तेने दे दिहू। अगर तुई इकिसम कोरहिस, आर तुई परमेश्वरोक प्रेम कोरछिस आर जानिस कि वहाँय तोक प्रेम कोरछे तब कोय समाया नी छे, जेडाक मसीहार जरियाय तुई जितवानी पारबो।

अगर तुई सचमुचोत दोसरा लोकेर मदद कोरवा चाहचिस, ते परमेश्वर तोक मदद कोरबे दोसरा लोकोक मदद कोरवार तेने। तोक बहुत बेसी योग्यतार नी लागे, तोक सिरिफ परमेश्वरेर तेने पाबा जबा लागे, और बाँकी काम वहाँय कोरबे। तुई महसूस कोरवा पारिस तो गुण साधारण छे, लेकिन कोय-कोय समय बहुत साधारण गुण, बहुत शक्तिशाली बने जाछे।

अपना जीवनडाक स्वार्थीर मांन्दी ना बिताईस अपना पूरा शक्ति लगाय, सिरिफ अपना ऊपर पूरा ध्यान लगाय आर अपना जरूरतलाक पूरा कोरवार तेने। परमेश्वरोक कोह तुई कि चाहचिस

आर तोर कि जरूरत छे, तब तोर नजर वहार पोर लगा। तब तुई पवित्र आत्मार रास्तार बारे सचेतन होबा पारबो कि केनमाल कोरे वहाँय तोक दोसरा झनाक मदद कोरवार तेने अगुवाही कोरछे। तुई जेडा बनाछिस उडा दोसरा झनारो साथे होबा पारे।

परमेश्वर तोर तेने घटाबे। जब तोर जरूरत होंबे, “बीजेर मांन्दी दिमाग वाला” होव, “जरूरतमंद वाला दिमागेर मांन्दी नी। यहार मतलब छे जेखुना तुई दोसरा झनार लिकिन पहुँचेछिस, परमेश्वर उडाक एकता बाजेर मांन्दी ग्रहण कोरछे, जेडाक बुना जाछे फसल काटबार तेने, जेडाक कि तुई अपना जीवनोत चाहचिस।”

हर एक झन खुशहाल होबा चाहचे, लेकिन हमाक समझुवार जरूरी छे कि सच्चा खुशहाली कि छे। मुई इडार व्याख्या परमेश्वरेर योग्यताक व्यवहार कोरवार मांन्दी कोरछु सबला जरूरतोक पूरा कोरवार तेने, जेला तोर आगुत ओसछे। परमेश्वरेर प्रेम दोसरा झनार जरूरतलाक पहिले राखवार तेने तोक योग्यता दिबे। तुई कि सोचेछिस कि परमेश्वर तोक काफी प्रेम कोरछे दोसरा झनार ठिन प्रेमेर साथे पहुँचवार तेने ? इकिसम कि जहाँय प्रेमेर लायक नी छे आर पसंद कोरवार मांन्दी नी छे।

उडात अपना – आपोक बेसी काबू कोरवा नी होचे उम्हाक प्रेम कोरवार तेने, जहाँय तोक वापस प्रेम कोरछे। लेकिन हमाक परमेश्वरेर दया जरूर से जरूर पाबा होबे हमाक योग्य बनवार तेने कि हमरा उम्हाक प्रेम कोरी, जहाँय प्रेमेर लायक नी छे। परमेश्वरेर प्रेम जेडा हमार जरियाय बोहचे इडाक कोरबे, क्यँकि वहार प्रेम

कोय शर्तेर पर आधारित नी छे । हमरा बिन पैसाय पाही बिना पैसाय हमरा दूबा पारी । प्रेम कभी असफल नी होचे आर लोकेर पोर छोड़े नी दिछे । हबा सकेछे कि इडाक पच्चीस साल लगवा पारे, इडाक पाँच साल लगवा पारे । उडाक पच्चीस साल लगवा पारे, लेकिन यहीडा इहार दाम छे । अगर तोर कठिन समय छे धिरज धरना आर दोसरा झनाक प्रेम कोरना जहाक प्रेम करना मुष्किल छे, ख्याल कोरेक उला समयोक कि परमेश्वर तोक प्रेम कोरते गहिले जबकि वहाँय तोर तेने उन्तजार कोरछिले तोक बदली कोरवार तेने ।

**1 कुरिन्थियों 13 अध्याय कोहचे प्रेम धीरजबन्त, दयालु आर नम्र छे ।** इडा अपना स्वार्थ नी देखछे, कहाको तुच्छनी समझेछे, आर आसानी से गुस्सा नी होचे । यहीला गुण छे जेलाक यीशु हमार पोर दाले दिछे वहार प्रेमेर जरियाय । हमरा इला सबला पाबा पारमो आर वहीमांन्दी कोरवा पारमो चोट पहुँचाल आर हराल लोकलार तेने जेला लोक अपना जीवनोत परमेश्वरेर प्रेमेर तेने भूखा छे ।

परमेश्वर तोक प्रेम कोरछे, आर वहाँय तोर चारो भितकार लोकलाको प्रेम कोरछे । वहाँय उम्हाक प्रेम कोरछे उद्धार पाल छे या नी आर वहाँय तोक इस्तेमाल कोरवा चाहचे एकटा माध्यमेर मांन्दी अपना प्रेमोक दाले दुबार तेने ।

बाहर निकलवार तेने ना डोरा । परमेश्वरेर प्रेम तोक डोर से आजाद आर सजई से आजाद कोरे दिछे । वहाँय तोक प्रेम कोरवार तेने योग्यता दिछे । दोसरा झनार साथे परमेश्वरेर प्रेम डाक

बटवार तेने मनडाक ठाने ले । तुई शुरू कोरवा पारिस लोकेर साथे साधारण दोस्तीर व्यवहार कोरवार जरियाय । दोस्तीर मांन्दी होबार तेने तुई अपना समझे ले आर जेठिन तुई जाछिस उठिनकार लोकलार तेने तुई आशीर्वाद बने जा ।

साधारण तरीका से खारो मेहमानेर मांन्दी सेवा करना वहाक अपना प्रेम देखाबार एकटा रास्ता छे, खास कोरे मुहाक जहाँय आखले छे यानी ते निराष छे । लोकोक खबार तेने कोहबा पारिस । लोकोक तोर (साथे मुलाकात) घोर ओसवा तेने कोहबा पारिस । लोकेर साथे हाथ मिलवा आर मुश्कुराय दूबा पारिस । कहारो साथे गला मिलवा पारिस या हौसला दुबार बात बात कोहबा पारिस । व्यवहारिक तरीका से खारो मदद कोरवा पारिस, जेनमान कि कहाको अपना गाड़ीत बठाय वहार कामेर जगहोत पहुँचाय देना जहार गाड़ी हयत मेरामत कोरवार गैराजोत छे । नया नौकरी कोरनो वालार लिकिन जाव जहाँय काम कोरछे आर देखेक, अगर तुई शहरेर लोकेर साथे वहार परिचय कोरे दुबार तेने सहायता कोरवा पारिस । परमेश्वर कुछु राखिहे तोर तेने कोरवार तेने । इडा तोक बोड़ो या मुख्य ना लगुवा पारे, लेकिन इडा कुछु इकिसम छे जेडा वहाक मुख्य छे । लोकला परमेश्वरेर तेने मुख्य छे ।

कुछुला लोक छे जेलार ठिन तुई पहुँचवा पारिस । परमेश्वरोक पूछेक वहार प्रेमोक ले लोकेर ठिन पहुँचवार तेने रास्ता देखाबे, आर वहाँय तोक सीखाबे ।

# 7



## परमेश्वरेर प्रेम तोक बदले दिबे!

*“प्रेम यहात नी छे कि हमरा परमेश्वरोक प्रेम कोरनो,  
लेकिन यहात छे कि हमाक प्रेम कोरिल, आर हमार  
पापेर माफीर तेने अपना बेटाक पठाल।”*

—यूहन्ना 4:10

परमेश्वर हमाक प्रेम कोरछे, लेकिन मुई नी सोचछु कि हमार भितर से बहुत झन नी समझेछे जे वहार प्रेम कताखान महान छे या कताखान प्रेम वहाँय हमासे कोरछे। परमेश्वर मोक देखाहे, इडा विषये पर अध्ययन कोरवार खुना कि अगर हमरा सचमुचोत जाननो तेन बहुत भितर से कि वहाँय कताखान प्रेम हमासे कोरछे, ते हमरा बहुत अलग तरिका से व्यवहार कोरनो तेन, इकिसम नी, जेकिसम कि हमरा बेसी समय कोरछी।

परमेश्वरेर प्रेमेर पर ध्यान कोरेक जेडा तोर तेने छे। यहीडा प्रेम छे जेडा तोक बदले दिबे। अगर तुई अपनार बारे कुछु बात

पसंद नी कोरछिस, ते सचमुचोत इडा जानकारी आर विश्वास कि परमेश्वर तोक प्रेम कोरछे, जेखुना कि तुई वहार।

तेने इन्तजार कोरछिस कि वहाँय तोर भितरोत काम कोरेक। इडा विश्वास तोक यात्रात आनंद कोरवार तेने मदद कोरबे। अगर तुई अपना गलतीलार तेने सिरिफ परेशान या निराश रोहिस, ते तुई कभी बदली नी होबो। ख्याल कोरेक परमेश्वर विश्वासेर जरियाय काम कोरछे, आर सच्चा प्रेम हमाक परमेश्वरेर विश्रामोत हमाक प्रवेश कोरछे (इब्रानियों 4)।

इडा मालुम होचे कि बहुत ज्ञान लोक छे जहार रिश्ता अपना बीचोत नी छे। वोरा हयत अपना आपोक पसंद नी कोरछे, आर होयत अपना – आपोक नफरत कोरछे। मुई तोक ख्याल कोराय दूबा चाहचु कि तुई खराप चीजोक घिन कोरवा पारिस जेलाक तुई कोरछिस, लेकिन तुई अपना – आपोक कभी भी घिन ना कोरिस। यीशु तोर तेने मोरिहे तोर तेने अपना महान प्रेमेर कारण से, आर वहाँय चाहचे कि तुई वहार कीमती दानडाक ग्रहण कोरिस।

बाइबिल कोहचे, “जेकिसम वहाँय अपना दिलोत सोचेछे, वही किसम वहाँय छे।” (नीतिवचन 23:7)। अगर तुई अपना बारे सब समय खराप सोचेछिस आर अपना-आपोक अस्वीकार कोरछिस आर इडा अनुभव नी कोरछिस कि तुई परमेश्वरेर कताखान विशेष लोक छिस, ते तुई परमेश्वरेर शान्ति आर आनंद नी पाबो, ओर मोनेर सोच आर कामला इडाक देखाय दिबे। आर इला सबला होबे क्योंकि तुई सचमुचोत अपना दिलोत परमेश्वरेर शक्तिशाली,

जीबनोक बदली कोरे देनेवाला सच्चाईक अपनाय लुबा नी पारिस कि परमेश्वर तोक अताखान प्रेम कोरछे जताखानेर बारे तुई नी जानिस। पौलुस कोहचे पहार निश्चय कोरा लक्ष्य छे मसीहाक जानना आर परमेश्वर चाहचे कि हर दिन वहार साथे समय बिताईस।

यहीडा तोक बदले दिबे। अगर तुई परमेश्वरोक पहिला जगहोत ना राखिस, ते तुई वहाक इकिसम जगहोत राखछिस जेठिन से वहाँय तोर तेने उला काम कोरवा नी पारबे जेला वहाँय तोर तेने कोरवा चाहचे। इडा तोर व्यक्तिगत समय छे जेडा तुई परमेश्वरेर साथे बिताछिस। सिरिफ वहाक प्रेम कोरते आर वहाक तोक प्रेम कोरवा दिते, इडा तोक मजबूत साहसी आर खँटी बनते मदद कोरबे।

बहुत लोक बहाना बनाछे आर परमेश्वरेर साथे महान रिश्ता बनाबार तेने कभी भी समय नी दिछे। वोरा वहार साथे अच्छा रिश्ता बनाबा चाहबे, लेकिन वोरा अपना—आपोक काबूत नी आनबे आर अच्छा आदत नी बनाबे जेनमान कि बाइबिल सीखना आर प्रार्थना करना। अगर तुई मुश्किलोत छिस इलाक ले, प्रार्थना कोरेक आर परमेश्वरोक पूछेक परमेश्वरेर साथे हर दिन समय बितवार तेने आर अभ्यास बढ़ाबार तेने। इडा पूरा तरीका से सबसे अच्छा बात छे जेडाक हमरा जीवनोत कोरवा पारी। परमेश्वरेर प्रेम तोक बदले दिबे। जसेदृजसे तुई परमेश्वरेर प्रेमोक अनुभव कोरबो आर सचेत होबो आर यहार बारे सचेत होबो नियमित तौर से, तुई पाबो कितोर मोनेर इच्छालाक बदले जाछे। तुई यीशुर मान्दी होबा चाहबो, जहाँय तोक प्रेम कोरछे। परमेश्वरोक जानना आर वहार चरित्रोक अपना जीवनोत बढ़ाना हमार जीबनेर कामलार भितरोत सबसे

प्रधान काम होबा लागे। पौलुस कोहचे वहार निश्चय कोराल उद्देश्य छिले मसीहाक जानना आर वहार मौत से जिन्दा हय जबार शक्तिक (फिलिपियों 3:10) मेहरबानी से देखेक कि पौलुस कोहये कि वहाक ठाने लुबा होबे।

मुई तोक हौसला दूबा चाहचू गंभीर हय जबार तेने परमेश्वरेर साथे अपना संबंधेर बारे। तुई परमेश्वरेर अताखान नजदीक होबा पारिस जताखान तुई होबा चाहचिस। इडा निर्भर कोरछे कताखान समय तुई यहात दुबार तेने इच्छुक छिस।

बाईबिल कोहचे, हमरा परमेश्वरेर व्यक्तिगत प्रतिनिधि छी आर वहाँय दुनियाँर ठिन बिनती कोरछे हमार जरियाय (2 कुरंथी 5:20) शास्त्रेर इडा बात मोर दिलडात चुभे जाछे आर मोक ताजा अनुभव दिछे कि हमरा परमेश्वरेर आत्मार अगुवाहीत चली, जेमांन्दी कि वहाँय हमार भितरोत काम कोरछे हमाक बदली कोरछे आर सजाछे परमेश्वरेर कामेर तेने (उद्देश्य पूरा कोरवार तेने)। परमेश्वरेर प्रेम हमार दिलोत ढाले दियाल जाछे पवित्र आत्मार जरियाय, (रोमियो 5:5)। सहाक ले, यहार आनंद ले आर यहाक तोक बदले दूबा दे। वाहर मौत से जिन्दा होबार शक्तिडाक जानना (फिलिपियों 3:10) मेहरबानी कोरे देखोव कि पौलुस कोहचे वहाक दृढ़ निश्चय कोरे लुबा होबे।

मुई तोक अच्छा से मोन लगाबार तेने हौसला दूबा चाहचू परमेश्वरेर साथे तोर रिप्ताडार बारे। तुई परमेश्वरेर अताखान नजदीक होबा पारिस जताखान तुई चाहचिस। इडा निर्भर कोरछे कताखान समय।



# एकटा नया जीवनेर अनुभव



अगर तुई यीशुक अपना जीवनोत प्रभु आर मुक्तिदाता होबार तेने कभी निमंत्रण नी दिस, ते मुई तोक निमंत्रण दिछु इकिसम कोरवार तेने। खोला आर सच्चा दिल से इडा प्रार्थना कोरेक आर मसीहात तुई एकटा नया जीवनेर अनुभव कोरेक जेडा परमेश्वर टे तेने राखिहे।

परमेश्वर पिता मुई विश्वास कोरछु यीशु मसीहा तोर बेटा छे, दुनियाँर मुक्तिदाता। मुई विश्वास कोरछु वहाँय मोर तेने क्रूसोत मोरिल, आर वहाँय मोर सबला पापोक दूले। वहाक मौत से उठाल गेल, आर इकिसम कोरवार जरियाय, मौतेर पोर आर कबरेर पोर जीत हासिल कोरिल। मुई विश्वास कोरछु यीशु अला जिन्दा छे आर तोर दाहिना हाथेर भिती बोठाल छे। मुई तोक चाहचु यीशु। मोर पापलाक माफ कोरेक, मोक बचा, मोर भितरोत रोहबार तेने ओसेफ। मुई आर मोने जनम लुबा

चाह्चु। मुई तोर तेने जिन्दा रोहबा चाह्चू। मोक बंचाय  
लुबार तेने तोक धन्यवाद। तोर तेने एकटा नया जीवन  
बितवार तेने आर मदद कोरवार तेने तोक धन्यवाद।

अला तुई विश्वास कोरेक कि यीशु तोर दिलोत रोहचे। विश्वास  
कोरेक कि तोक माफ कोरे दियाल गहे आर यीशुर खूनेर जरियाय  
तोके धर्मी बनाल गहे, आर तुई कोय दिन स्वर्गांत जाबो।

एक खान अच्छा चर्चेर खोज जेटिन तुई जबा पारबो आर जेटिन  
परमेश्वरेर बचन सीखाछे आर तुई मसीहार साथे रिश्तात बाढ़बो।  
हमरा परमेश्वरेर प्रेमेर शक्ति से बदली होची आर वहार वचन हमार  
जीवनोत काम कोरछे। वहीलाते इडा हमार तेने बहुत मुख्य बात छे  
परमेश्वरेर बचनेर सच्चाईडाक जानना। यूहन्ना 8:31–32 कोहचे,  
“अगर तुई मोर बचनोत रोहिस, ते तुई सचमूचोत मोर चेला छिस।  
आर तुई सच्चाईडाक जानबो, आर सच्चाईडा तोके आजाद कोरबे।”

मुई तोके उत्साह दिछु परमेश्वरेर बचनोके धोरे राखवार तेने  
आर तोर दिलेर गहड़ाईत लगाय दुबार तेने। 2 कुरंथियो 3:18 पदेर  
मुताबिक जब तुई बचनोके देखबो, तुई यीशु मसीहार रूपोत बदले  
जाबो।

मेहरवानी कोरे लिखिस आर मोक जनवा दिस कि तुई यीशुक  
ग्रहण कोरहिस आर एक खान बिना मुल्येर किताब माँगिस इडा  
विषयेर पोर कि केनमान कोरे मसीहात नया जीवन शुरू कोरवा लागे।

*प्रेमेर साथे,*

*जोयेस*

## उद्धारेर तेने प्रार्थना



परमेश्वर तोक प्रेम कोरछे आर तोर साथे व्यक्तिगत रिश्ता रखवा चाहचे। अगर तुई यीशु मसीहाक ग्रहण नी कोरिस तोर मुक्ति दाता माने, उडा तुई अलाय कोरवा पारिस। तुई सिरिफ वहार ठिन अपना दिल खोलेक आर इडा प्रार्थना कोरेक...

“पिता मुई जानु कि मुई तोर बिरुद्ध पाप कोरूह। दया कोरे मोक माफ कोरेक। मोक धोय साफ कोरेक। मुई तोर बेटा यीशुर पोर भरोसा कोरछु, यहार तेने मुई प्रतिज्ञा कोरछु। मुई विश्वास कोरछु कि वहाँय मोर तेने मोरिल, वहाँय मोर पापलाक उठाय लिले अपना ऊपरोत, जेखुना वहाँय क्रूसेर पोर जान दिले। मुई विश्वास कोरछु कि वहाक मृत्यु से जिन्दा कोरे उठाल गेल। मुई अलाय अपना जीवन यीशुक सोपें दिछु।

धन्यवाद, पिता तोर माफी कोरवार दानेर तेने आर अनंत जीवनेर तेने। दया कोरे मोक तोर तेने जीवन बिताबार तेने मदद कोरेक। यीशुर नामे, आमीन।”

जेखुना तुई अपना दिल से प्रार्थना कोरलो, परमेश्वर तोक ग्रहण कोरिल, साफ कोरिल आर तोक आत्मिक मौतेर बंधन से मुक्त कोरिल। समय निकलाय पोढ़ेक आर शास्त्रेर बातलाक पोढ़ेक आर परमेश्वरोक तुम्हार साथे बात कोरवा कोहेक जब तुई वहार साथे चलछिस इडा नया जीवनेर सफरोत।

- यूहन्ना 3:16
- इफिसियों 1:4
- 1 यूहन्ना 1:9
- 1 यूहन्ना 5:1
- 1 कुरंथियो 15:3-4
- इफिसियों 2:8-9
- 1 यूहन्ना 4:14-15
- 1 यूहन्ना 5:12-13

प्रार्थना कोरेक आर वहारक पूछेक बाइबिल विश्वास कोरनेवाला अच्छा कलिसियार बारे, जसे कि तुई उत्साहित होईस तोर साथे छे। वहाँय तोक एक दिन एक समय रास्ता देखाबे केनमान कोरे तुई भरपूरीर जीवन बिताबो, जेडा वहाँय तोर तेने राखिहे।

## लेखकेर बारे



जोयस मेयर दुनियॉर एकझन व्यवहारिक आर अगुवा बाइबिल शिक्षक छे। वहार टी भी आर रेडिओं प्रचारेर हमरा हर दिना आनंद लिछि। सैकड़ो टेलिभिजन नेटवोर्क आर रेडिवो स्टेशन पूरा दुनियॉत प्रचार कोरछे।

जोयस एक सौ से बेसी प्रेरणा देनेवाला किताब लिखहे। वहार सबसे बेसी बिक्री होनेवाला किताब छे – “परमेश्वर तोर पोर गुस्सा नी छे, अच्छा अभ्यास बनाना, खराप अभ्यासोक भाँगना, तुई खुद कहारों पक्ष ले, माफी, अपना सोच – समझ से बाहरे रहना, शक्तिशाली विचार मोनेर लड़ाईर मैदान, देखेक महान, हमान अनुभव कोरेक, दृढ़ विश्वासेर महिला, मुई तोक डोर कोरछु, आर कभी नी छोड़ना।

जोयस बहुत दूर तक सफर कोरछे, पूरा साल कनफारेन्स कोरछे आर दुनियॉर हजारो लोकेर साथे बात कोरछे।”

To contact the author in the United States, Please write:

Joyce Meyer Ministries

P.O. Box 655,

Fenton, Missouri 63026

or call: (636) 349-0303

or log on to: [www.joycemeyer.org](http://www.joycemeyer.org)

**Go to [tv.joycemeyer.org](http://tv.joycemeyer.org)**

**to watch Joyce's messages in a variety of languages**

To contact the author in India, Please write:

Joyce Meyer Ministries

C14, Vikrampuri Colony,

Karkhana, Secunderabad,

Telangana - 500 009

or log on to: [www.jmmindia.org](http://www.jmmindia.org)

*Please include your testimony or help received from this book  
when you write. Your prayer requests are welcome.*

# → तुम्हारा कि सचमुच जानेन कि परमेश्वर ←

## तुम्हाक कतेक प्रेम कोरछे ?

हबा पाड़े यहार बारे तुम्हारा बहुत सुनहेन: परमेश्वर तुम्साक प्रेम कोरछे। आर लोक बहुत बार शास्त्रेर बात बताछे जेडा कोहचे, “कारण परमेश्वर दुनियॉक इकिसम प्रेम कोरिल,” आर परमेश्वर प्रेम छे। सबाल इडा छे, तुम्हारा कि सचमूचोत समझेछेन कि परमेश्वर तुम्हाक सब समय बीना कोय शर्त राखे प्रेम कोरछे, कोय बात नी कि? तोर हर एक दिन कार जीवनोत इडा सच्चाई कि लागु होचे, जसे कि परमेश्वर जेकुछु तोक बनवा चाहचिले उडार तेने तुम्हारा आजाद होवा पारेन, आर तुम्हार तेने परमेश्वर जेला उपाय बनाहे, उला हर एकटाक कोरवा पारेन?

### इडा शास्त्रीय शिक्षात तुम्हारा देखभेन –

- यहार भितरोत छाभे निकलाव कि परमेश्वरेर प्रेमेर बारे बाइबिल सचमूचोत कि कोहचे।
- इडा सीखोव कि यहक केनमान कोरे लियाळ जाय आर दोसरा झनाक दियाळ जाय।
- यहार जीवन बदलनेवाला असरोक अनुभव कोरोव।
- इडा छाभे बाहर कोरना कि दिन प्रतिदिनेर जीवनोत परमेश्वरेर प्रेमोत केनमान कोरे रहाळ जाबे।

इडा समाचार हर एकझन मसीह-विश्वासीर तेने जरुरी छे, जहाँय वहार साथे निजी आर गहिरा रिस्ता रखवा चाहचे आर परमेश्वरेर दियाळ योग्यता आर उदेश्योक पूरा कोरवा चाहचे। हवा सकेछे कि परमेश्वरेर पोर तोर विश्वास नया छे या सालो-साल से तोर भरोसा वहार पर छे, तुई कुछु नया चीज सीखवा पारिस, जेडा तोक वहार ठीन आरोह टाने आनबे, जेसे-जसे तुई वहार प्रेमोक अनुभव कोरवा पारबो, जेडार बारे तुई कभी सोचवाव नी पारिस कि इडा इकिसम होबा पारे।

**JOYCE MEYER**  
MINISTRIES®

Sharing Christ – Loving People

C14, Vikramपुरी Colony, Karkhana,  
Secunderabad, Telangana - 500 009